

ԵՐԱԿՐՈՆԵԱ ԿԱՊԱԿԱՆ

ՄԱՅՐ ԱԹՈՒ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ

ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ Ամենայն Հայոց Կաթողիկոսն ընդունեց



Փետրվարի 16-ին

ՀՀ-ում Հունաստանի Հանրապետության ղեկավարին

Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն ընդունեց Հայաստանի Հանրապետությունում Հունաստանի Հանրապետության նորանշանակ արտակարգ և լիազոր դեսպան խրիստոս Սոֆիանուպուլոսին:

Նորին Սրբությունը, ողջունելով դեսպանին, մաղթեց արդյունավոր առաքելություն ի նպաստ երկու բարեկամ երկրների հարաբերությունների առավել զորացման: Հայոց Հայրապետն ընդգծեց, որ հայ-հունական բարեկամությունը զալիս է դարձել խորքից և խարսխված է քրիստոնեական արժեքա-մակարգի ամուր հիմքերի վրա:

Նորին Սրբությունն անդրադարձ կատարեց նաև երկու ժողովուրդների պատմական առնչակցություններին և կրած ծանր կորուստներին: Վեհափառ Հայրապետը նշեց, որ առկա մարտահրավերներին ու

փորձություններին հնարավոր է դիմակայել միմյանց աջակից ու գործակից լինելով:

Հանդիպմանը Գարեգին Երկրորդ Կաթողիկոսը գոհունակությամբ անդրադարձավ Սփյուռքում հայ և հույն համայնքների սերտ գործակցությանը, ինչպես նաև Հայաստանյայց Առաքելական և Հույն Ուղղափառ Եկեղեցիների միջև առկա ջերմ հարաբերություններին:

Զրույցի ընթացքում Նորին Սրբությունն անդրադարձ կատարեց Հայաստանի և Արցախի բռնի տեղահանված հայորդիների առջև ծառացած հիմնախնդիրներին:

Իր հերթին դեսպան խրիստոս Սոֆիանուպուլոսը Նորին Սրբությանը հավաստիացրեց, որ առավելագույն ջանքեր կներդնի հայ-հունական գործակցության առավել զորացման, ինչպես նաև Արցախի հոգևոր-մշակութային ժառանգության պահպանման ուղղությամբ:

«Վաչե և Թամար Մանուկյան» մատենադարանի տնօրեն Տ. Արարատ քին. Պողոսյանի:

Տեր հայրը, Նորին Սրբությանը ներկայացնելով հյուրերին, ընդգծեց, որ վերջիններիս Մայր Աթոռ են ժամանել Գիրք նվիրելու օրվան ընդառաջ՝ ստանալու Ամենայն Հայոց Հայրապետի օրհնությունը: Տեր Արարատը նաև անդրադարձավ Մայր Աթոռի հրատարակչական բաժնի և ՀԳԱ-ի միջև առկա համագործակցությանը:

Հայոց Հովվապետը, իր հայրական օրհնությունն ու բարեմաղթանքները փոխանցելով ՀԳԱ-ի անդամներին, մաղթեց արդյունավոր առաքելություն՝ հայորդիների մեջ ընթերցասիրությունը զորացնելու և գրական ժառանգությանը հաղորդ դարձնելու առաքելության մեջ: Վեհափառ Հայրապետը բարձրորեն գնահատեց գրադարանների գործունեությունն ի նպաստ հայորդիների կրթության և հոգեկերտ-

վածքի ձևավորման՝ հաստատելով նաև, որ գիրքը մարդու կյանքի լավագույն ուղեկիցն է: Այս առիթով Հայոց Հովվապետն արձանագրեց, որ Եկեղեցին մշտապես կանգնած է եղել գրականության ստեղծման, սերունդների կրթության և դաստիարակության ակունքներում:

Իր հերթին ՀԳԱ-ի նախագահ և խնկո Ապրի անվան ազգային մանկական գրադարանի տնօրեն տիկին Ռուզան Տոնոյանը, շնորհակալություն հայտնելով Հայոց Հայրապետին ընդունելության համար, տեղեկություններ փոխանցեց ՀԳԱ-ի հիմնադրման, գործունեության և առաջիկա ծրագրերի մասին:

Զրույցի ընթացքում քննարկվեցին գրադարանների առջև ծառացած մարտահրավերները, դրանց հաղթահարման, ինչպես նաև Մայր Աթոռ Սուրբ Էջմիածնի հետ փոխգործակցության ընդլայնման հնարավոր ուղիները:



Փետրվարի 19-ին

Կարդինալ Կլաուդիո Գուլջերոտիին

Ամենայն Հայոց Կաթողիկոսն ընդունեց Արևելյան Կաթոլիկ Եկեղեցիների քահանայապետական գրասենյակի նախագահ Կարդինալ Կլաուդիո Գուլջերոտիին, որը Հայաստան էր ժամանել Վեհափառ Հայրապետի հրավերով:

Զրույցի ընթացքում Նորին Սրբությունը գոհունակությամբ վերհիշեց վերջինիս ծառայության տարիները Հայաստանում՝ իբրև պապական նվիրակ, և Մայր Աթոռի հանդեպ մշտապես դրսևորած նրա ջերմ վերաբերմունքը: Հայոց Հայրապետը նաև իր գնահատանքը հայտնեց Կարդինալ Գուլջերոտիին հայագիտությանը բերած նրա ավանդի համար:

Հայոց Հայրապետը գոհունակությամբ անդրադարձավ Հայաստանյայց Առաքել-

ական և Հռոմի Կաթոլիկ Եկեղեցիների միջև առկա եղբայրական գործակցությանը, ապա իր մտահոգությունները ներկայացրեց Կարդինալ Գուլջերոտիին տարածաշրջանում ստեղծված բարդ իրավիճակի և Հայաստանի առջև ծառացած անվտանգային մարտահրավերների վերաբերյալ:

Հանդիպմանը քննարկվեցին նաև Մերձավոր Արևելքում քրիստոնեական համայնքների կյանքին առնչվող խնդիրներ: Կարդինալը քրիստոնեական Եկեղեցիների ջանքերի մեկտեղումը՝ ի խնդիր մարդկության կյանքում խաղաղության ու համերաշխության հաստատման:

Վերջում Ամենայն Հայոց Կաթողիկոսը Հռոմի Ֆրանցիսկոս Պապին փոխանցեց իր եղբայրական բարեմաղթանքները:



«Հայկական գրադարանային ասոցիացիայի» անդամներին

Ամենայն Հայոց Կաթողիկոսն ընդունեց «Հայկական գրադարանային ասոցիացիա-

յի» (ՀԳԱ) անդամներին՝ ուղեկցությամբ Մայր Աթոռի հրատարակչական բաժնի և

Եկեղեցական իրադարձություններ

Գերագույն հոգևոր խորհրդի ժողով Մայր Աթոռ Ս. Էջմիածնում

Փետրվարի 20–24-ը Մայր Աթոռ Սուրբ Էջմիածնում, նախագահությամբ Ն. Ս. Օ. Ս. Տ. Գարեգին Երկրորդ Շայրագույն Պատրիարք և Ամենայն Հայոց Կաթողիկոսի և ատենապետությամբ Կ. Պոլսի Հայոց Պատրիարք Ս. Սահակ արք. Մաշալյանի, տեղի ունեցավ Գերագույն հոգևոր խորհրդի ընդլայնված կազմով ժողովը:

Ամենայն Հայոց Կաթողիկոսի ողջույնի և օրհնության խոսքից հետո ժողովը վարելու իրավիքը Արևմտյան Եվրոպայի հայրապետական պատվիրակ և Վատիկանում Ամենայն Հայոց Կաթողիկոսի ներկայացուցիչ Ս. Խաժակ արք. Պարսամյանը:

Հայաստանի ու Արցախի շուրջ ընթացող զարգացումների, երկրի առջև ծառացած մարտահրավերների, արցախահայության իրավունքների պաշտպանության, նրանց ուղղված սոցիալական աջակցության և Արցախի հոգևոր-մշակութային ժառանգության պահպանության ուղղությամբ իրականացված նախաձեռնությունների վերաբերյալ զեկույցներով հանդես եկան Մայր Աթոռի սոցիալական ծառայության վարչական խորհրդի ատենապետ Ս. Գևորգ Եպս. Սարոյանը, Մայր Աթոռի՝ Արցախի հոգևոր-մշակութային ժառանգության հարցերով գրասենյակի տնօրեն Ս. Գարեգին վրդ. Համբարձումյանը, Իրավունքի և արդարության կենտրոնի «Թաթյան» հիմնադրամի տնօրեն տիար Արման Թաթյանը:

Քննարկված ընթացքում Գերագույն հոգևոր խորհուրդը դատապարտելի նկատեց իրադարձությունները, Իրադարձությունների անթափանց ծավալապաշտական նկրտումները, Հայաստանի ինքնիշխան տարածքների նկատմամբ շարունակվող ադրբեջանական զինված ուժերի ոտնձգությունները և թշնամանքի ու հայատնադրության քարոզչությունը: Հայրենիքի առջև ծառացած անվտանգային հիմնախնդիրների հաղթահարման, Արցախի ժողովրդի իրավունքների պաշտպանության հարցում

Գերագույն հոգևոր խորհուրդը կենսական և կարևոր համարեց ազգային կառույցների ներուժի արդյունավետ կենտրոնացումը, Հայաստան և Սփյուռք հարաբերությունների առողջացումն ու գործակցության պատշաճ կազմակերպումը: Ժողովականները նաև աղոթք բարձրացրին օրեր առաջ Սյունիքի Ներքին Հանդգյուղի հայկական դիրքերի ուղղությամբ ադրբեջանական ագրեսիայի պատճառով զոհված զինծառայողների հոգիների խաղաղության և վերադարձի շուտափույթ ապաքինման համար:

Անդրադարձ կատարվեց Արբեջանի որդեգրած՝ Արցախի հոգևոր-մշակութային ժառանգության թիրախավորման ու յուրացման քաղաքականությանը, պատմամշակութային արժեքների, պատմական սրբատեղիների ու շիրիմների պղծման ու ոչնչացման դեպքերին: Գերագույն հոգևոր խորհուրդը կարևորեց Մայր Աթոռի՝ Արցախի հոգևոր-մշակութային ժառանգության հարցերով գրասենյակի հետևողական ջանքերը միջազգային հանրությանը իրազեկելու Արցախի հուշարձաններին սպառնացող վտանգների մասին:

Տեղեկացվեց նաև, որ իրականացվող սոցիալական ծրագրերի շրջանակներում անցած ամիսներին Եկեղեցին կեցության պայմաններով ապահովել և նյութական աջակցություն է տրամադրել բռնի տեղահանված բազում արցախահայերի, մասնավորապես ուշադրության կենտրոնում են եղել զոհվածների և չորս ու ավելի անչափահաս երեխաներ ունեցող ընտանիքները: Ընդգծվեց սոցիալական ծրագրերի շարունակականությունն ապահովելու համար նոր միջոցների ներգրավման անհրաժեշտությունը:

Եկեղեցի-պետություն հարաբերություններին և հանրակրթության ոլորտում իրականացվող փոփոխությունների մասին զեկույցներ ներկայացրին Մայր Աթոռ Սուրբ Էջմիածնի դիվանապետ Ս. Արշակ



արք. Խաչատրյանը և ՔԴԿ-ի տնօրեն Ս. Ջաքարիա Ծ. վրդ. Բաղուսյանը:

Արձանագրվեց, որ Եկեղեցի-պետություն ոչ բնականոն հարաբերությունների պատճառով լուծման կարող են մնացել ազգային-հոգևոր մշակութային առանցքային մի շարք հիմնախնդիրներ՝ առնչված օրենսդրական, կրթական, մշակութային, սրբավայրերի պահպանության կարևորագույն ոլորտներին:

Ժողովականները մտահոգություն արտահայտեցին, որ հանրակրթության ոլորտում իշխանությունների որդեգրած քաղաքականության արդյունքում հարվածի տակ են հայտնվել հայագիտական առարկաները, մասնավորապես կոպտագույն սխալներով, բացթողումներով և կամայական մոտեցումներով աղճատվել և ձևախեղվել է Հայոց պատմության բովանդակությունը: Վերահաստատելով իր դիրքորոշումը՝ ԳՀԽ-ն եզրահանգեց, որ օրինական բոլոր ճանապարհներով պետք է հանրակրթությունը զերծ պահել ինչպես հակադատական, այնպես էլ հակազգային հոսանքների և գաղափարների ազդեցությունից:

Մասնավոր անդրադարձ կատարվեց նոր Սահմանադրություն ընդունելու վերաբերյալ ՀՀ իշխանությունների մտադրությամբ: Ընդգծելով, որ ՀՀ Սահմանադրության հիմքն են կազմում

ազգային-հոգևոր կյանքի խորհրդանիշերը, մեր ժողովրդի նվիրական անցյալի հիշատակներն ու իրադարձությունները և ազգային մեր իղծերն ու ձգտումները՝ ժողովականներն անօրյալատելի համարեցին այդ արժեքների որևէ նսեմացում կամ անտեսում հանրային քննարկումներում՝ առավել ևս նոր Սահմանադրության ընդունման համատեքստում:

Գերագույն հոգևոր խորհուրդը խիստ տարակուսելի համարեց նոր Սահմանադրություն ընդունելու նախաձեռնությունը հատկապես այն ժամանակ, երբ հանրային ստվար շրջանակներում դա ընկալվում է նաև որպես հետևանք արտաքին հարկադրանքի: Արձանագրվեց, որ նոր Սահմանադրության ընդունման վերաբերյալ Հայաստանի բարձրաստիճան տարբեր պաշտոնյաների, ինչպես նաև Ադրբեջանի նախագահի խոսույթը միայն խորացնում է առկա կասկածները:

Քննության առնելով «Ընտանիքում բռնության կանխարգելման, ընտանիքում բռնության ենթարկված անձանց պաշտպանության և ընտանիքում համերաշխության վերականգնման մասին» օրենքում առաջարկվող փոփոխությունները՝ ԳՀԽ-ն խիստ կարևորությամբ ընդգծեց, որ օրենքում առաջարկվող հավելումները չպետք է հակասեն մեր ժողովրդի՝ ընտանիքի նվիրական պատկերացումներին ու քրիստոնեական ընկալումներին:

րին և չպետք է տեղիք տան մեր-ժելի տարրնկալումների:

Մայր տաճարի հիմնամորոգության ընթացքի և վերածանման, ինչպես նաև մյուռնոսիոնության արարողությունների կազմակերպական աշխատանքների վերաբերյալ զեկույցներով հանդես եկան Մայր Աթոռի դիվանապետ Ս. Արշակ արք. Խաչատրյանը և լուսարարապետ Ս. Մուշեղ Եպս. Բաբայանը:

Ժողովականները նաև այցելեցին Մայր տաճար և Ծանոթացան հիմնամորոգության ընթացքին: Ողջունելով կատարված աշխատանքները՝ ԳՀԽ-ի անդամներն արձանագրեցին, որ Մայր տաճարի հիմնամորոգության աշխատանքներն ավարտական փուլում են: Որոշվեց Մայր տաճարի վերածանման և մյուռնոսիոնության արարողությունները կազմակերպել սույն թվականի սեպտեմբերի 28–29-ին՝ Ս. Գևորգ զորավարի և Վարագա Ս. Խաչի տոներին: ԳՀԽ-ն թելադրեց Մայր տաճարի վերածանման, մյուռնոսիոնության և հարակից միջոցառումները համակարգող հանձնախմբին իրականացնել տաճարի վերածանման ու մյուռնոսիոնության արարողությունների կազմակերպչական աշխատանքները:

Ժողովի ընթացքում ներկայացվեցին Մայր Աթոռ Սուրբ Էջմիածնի 2023 թվականի գործունեության տեղեկագիրը, ֆինանսական տարեկան հաշվետվությունը և վերստուգիչ հանձնախմբի զեկույցը: Ներկայացվեցին նախորդ տարում Հայաստանում և Սփյուռքի համայնքներում իրականացված հոգևոր-քարոզչական, մշակութային, կրթական և սոցիալական բնույթի ծրագրերը:

Քննարկված առարկա դարձան նաև Նվիրապետական Աթոռների, թեմերի գործունեությանը, եկեղեցավարչական, կանոնական, իրավական, կրթադաստիարակչական ոլորտներին առնչվող տարաբնույթ այլ հարցեր:

Գերագույն հոգևոր խորհրդի ժողովն ավարտվեց Ամենայն Հայոց Կաթողիկոսի օրհնության խոսքով և Պահպանիչ աղոթքով:



Կ. Պոլսի Հայոց Պատրիարքը ժամանեց Մայր Աթոռ Սուրբ Էջմիածին

Փետրվարի 20-ին Մայր Աթոռ Սուրբ Էջմիածին ժամանեց Կ. Պոլսի Հայոց Պատրիարք Ամենապատիվ Ս. Սահակ արք. Մաշալյանը:

Այս առիթով Մայր Աթոռ Սուրբ Էջմիածնի միաբանները Կ. Պոլսի Հայոց Պատրիարքին թափորով առաջնորդեցին Ս. Հովհաննես Մկրտիչ և Ս. Վարդան մատուռ-մկրտարան, ուր Մայր Աթոռ Սուրբ Էջմիածնի լուսարարապետ Ս. Մուշեղ Եպս. Բաբայանի հանդիսապետությամբ կատարվեց «Հրաշափառի» արարողությունը:

Մուշեղ սրբազանը Մայր Աթոռի միաբանության անունից ողջունեց և բարի գալուստ մաղթեց Սահակ Պատրիարքին: Այնուհետև Պոլսի Հայոց Պատրիարքն իր օրհնությունն ու բարեմաղթանքները բերեց Սուրբ Էջմիածնի միաբանությանը՝ գոհություն վերառաքելով առ Աստված, որ Տիրոջ օրհնությամբ վերստին գտնվում է Մայր Աթոռ Սուրբ Էջմիածնում: Ամենապատիվ Սահակ Պատրիարքը նաև իր մասնակցությունը բերեց Մայր Աթոռում գումարված Գերագույն հոգևոր խորհրդի ժողովին:

Ամենայն Հայոց Կաթողիկոսը հանդիպում ունեցավ Մայր Աթոռում վերապատրաստման դասընթացներին մասնակից եկեղեցականների հետ

Փետրվարի 19-ին Ն. Ս. Օ. Ս. Տ. Գարեգին Երկրորդ Շայրագույն Պատրիարք և Ամենայն Հայոց Կաթողիկոսը Մայր Աթոռ Սուրբ Էջմիածնում հանդիպեց հերթական երեքշաբթյա վերապատրաստման դասընթացներին մասնակից քահանաներին, որոնք ժամանել էին Հայաստանի և Սփյուռքի տարբեր թեմերից:

Մայր Աթոռ Սուրբ Էջմիածնի «Գարեգին Ա» կրթական կենտրոնի տնօրեն Ս. Վահան Եպս. Հովհաննիսյանը, հայցելով Նորին Սրբության օրհնությունը, տեղեկություններ փոխանցեց վերապատրաստման դասընթացների ընթացքի վերաբերյալ:

Այնուհետև Նորին Սրբությունը, իր հայրական օրհնությունը բերելով հոգևոր հայրերին, կարևորեց վերապատրաստման այս դասընթացները, որոնք հնարավորություն են ընձեռնում տարբեր թեմերից ժամանած հոգևորականներին համախմբվելու Մայր Աթոռում, իրենց ուխտը վերան-

րոգելու, հոգևոր փորձառությունը միմյանց փոխանցելու, ինչպես նաև քննարկելու եկեղեցու և հասարակության առջև ծառացած արդի մարտահրավերները և դրանց հաղթահարման ուղիները:

Հայոց Հայրապետը հորդորեց եկեղեցականներին ամենայն ջանք ի գործ դնել ազգին, հայրենիքին ու եկեղեցուն այս ծանր ու դժվարին օրերին առավել ջանասիրաբար ծառայելու համար: Այս առնչությամբ Նորին Սրբությունը պատգամեց քահանա հայրերին հավուր պատշաճի արձագանքել ազգային կյանքում տեղ գտնող անցանկալի երևույթներին՝ նպաստելով անկա դժվարությունների հաղթահարմանը:

Անդրադառնալով սփյուռքի հայորդիներին՝ հայրենիքին բերած աջակցությանը՝ Նորին Սրբությունն ի մասնավորի սփյուռքում ծառայող եկեղեցականներին հորդորեց իրենց համայնքների միջոցով տեղի

իշխանությունների առջև բարձրաձայնել Հայաստանի և տեղահանված արցախահայության առջև ծառացած մարտահրավերները:

Հայոց Հովվապետը կարևոր նկատեց նաև հոգևորականների գործունե մասնակցությունը հայորդիների կրթության և դաստիարակության գործում:

Համդիպմանը վերապատրաստման դասընթացներին մասնակից հոգևորականներին անունից Ամենայն Հայոց Հայրապետին ողջունեց Արարատյան հայրապետական թեմի երևանի Նոր Նորքի Սուրբ Սարգիս եկեղեցու հոգևոր հովիվ Ս. Նորայր ավ. քնմ. Բաղդասարյանը: Տեղ հայրն իր երախտագիտությունը հայտնեց Հայոց Հովվապետին դասընթացների կազմակերպման համար՝ վստահեցնելով, որ դրանք իրենց օգտակարությունն են բերում քահանա հայրերի հովվական ծառայությանն առավել արդյունավորման գործում:



Մայր Աթոռ Սուրբ Էջմիածնում տեղի ունեցավ վարդապետական թեզի պաշտպանություն

Փետրվարի 22-ին Ն. Ս. Օ. Ս. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի օրինությամբ Մայր Աթոռ Սուրբ Էջմիածնի «Վաչե և Թամար Մանուկյան» մատենադարանում տեղի ունեցավ վարդապետական թեզի բանավոր պաշտպանություն:

Մասնավոր վարդապետական աստիճան ստանալու համար թեզ պաշտպանեց Կ. Պոլսի հայոց պատրիարքության միաբան Ս. Հովակիմ աբղ. Սերովյանը՝ «Թարգմանական կրոնական երկերը 18-րդ դարի պոլսահայ գրատպության մեջ» թեմայով:

Հանձնաժողովը նախագահում էր Տավուշի թեմի առաջնորդ Ս. Բագրատ արք. Գալստա-նյանը: Հանձնաժողովի կազմի մեջ ընդգրկված էին նաև Հիյակի թեմի առաջնորդ Ս. Մի-

քայել արք. Աջապահյանը, Արագածոտնի թեմի առաջնորդ Ս. Սկրտիչ եպս. Պռոշյանը, Մայայցուն թեմի առաջնորդ Ս. Գևորգ եպս. Սարոյանը և ԵՊՀ աստվածաբանության ֆակուլտետի դեկան ու Երևանի Սուրբ Գրիգոր Լուսավորչի մայր եկեղեցու հոգևոր տեսուչ Ս. Անուշավան եպս. Ժամկոչյանը:

Պաշտպանության ընթացքում հայր սուրբը ներկայացրեց իր վարդապետական թեզը, պատասխանեց հանձնաժողովի անդամների ու ներկաների հարցերին:

Հավարտ բանավոր պաշտպանությանը քննիչ հանձնախումբը դրական եզրակացություն տվեց վարդապետական թեզի պաշտպանությանը և արժանի համարեց Ս. Հովակիմ աբղ. Սերովյանին շնորհելու մասնավոր վարդապետության աստիճան:

Վարդապետության աստիճանի տվություն Օշականի Սուրբ Մեսրոպ Մաշտոց եկեղեցում

Փետրվարի 26-ին, օրհնությամբ Ն. Ս. Օ. Ս. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի, Օշականի Սուրբ Մեսրոպ Մաշտոց եկեղեցում տեղի ունեցավ Հայ եկեղեցու մասնավոր վարդապետության չորս աստիճանների տվության արարողություն:

Ձեռամբ Հիյակի թեմի առաջնորդ Ս. Միքայել արք. Աջապահյանի՝ մասնավոր վարդապետության աստիճան տրվեց փետրվարի 22-ին վարդապետական թեզ պաշտպանած Կ. Պոլսի հայոց պատրիարքության միաբան Ս. Հովակիմ աբղ. Սերովյանին:

Նույն օրը Հայոց Հայրապետը Միքայել սրբազանի ուղեկցությամբ ընդունեց նորընծա Հովակիմ վարդապետին:

նություն ու շնորհավորանքներով հայր սուրբին, վստահություն հայտնեց, որ նորընծա վարդապետն առավել ջերմեռանդությամբ ու նախանձախնդրությամբ կշարունակի իր նվիրյալ ծառայությունը Կ. Պոլսի Հայոց Պատրիարքությանը՝ նպաստելով հայ համայնքի ազգային արժեքների և ինքնուրույն պահպանմանը:

Վեհափառ Հայրապետը գնահատանքով անդրադարձավ նաև Սահակ Պատրիարքի՝ Կ. Պոլսի հայոց հոգևոր-եկեղեցական կյանքն աշխուժացնելու ուղղությամբ գործադրած ջանքերին և կարևոր ներդրմանը:

Վերջում Ամենայն Հայոց Կաթողիկոսը վարդապետական ականակուռ լանջախաչով զարդարեց Հովակիմ վարդապետի



Հանդիպմանը ներկա էր նաև Կ. Պոլսի Հայոց Պատրիարք Ս. Սահակ արք. Մաշալյանը և Մայր Աթոռի Սուրբ Էջմիածնի լուսարարապետ Ս. Մուշեղ եպս. Բաբայանը:

Նորին Սրբությունը, իր հայրական օրի-

կուրծքը և Պահպանիչ աղոթքով օրհնեց նրան:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի

ԴԱՍԸ ՀՈԳԵՎՈՐԱԿԱՆՑ: ՊԱՏՄՈՒԹՅՈՒՆ ԵՎ ԱՐԴԻՎԿԱՆՈՒԹՅՈՒՆ


Խրիմյան Հայրիկի մշտնջենականությունը

Հայոց հոգևոր և ազգային պատմության ուղենշային կերպարներից է Ամենայն Հայոց Կաթողիկոս Սկրտիչ Խրիմյանը, որն իր հասարակական-քաղաքական և հոգևոր-մշակութային գործունեությամբ ժողովրդի կողմից արժանացավ Հայրիկ պատվանվանը՝ որպես հոգաբարձ ու պաշտպան ամենայն ազգի: Պատմաքաղաքական շատ բարդ ժամանակաշրջանում Խրիմյանն առաջնորդեց ժողովրդի ընթացքը և պատմություն կերտեց՝ զգալիորեն նպաստելով Հայաստանի ապագա անկախացմանը: Իմաստուն և շնորհառատ, կորովի և ըմբոստ, արդարադատ ու բարեգութ, գործույն ու արթնամիտ, խանդավառ և սրախոհ. այսպես է հիշատակվում Խրիմյան Հայրիկը ժամանակի վավերագիր մատյաններում և ժամանակակիցների հիշողություններում:

«Խրիմեան այս օրինական հոգևորականը մեն միմակ մի խորունկ խորհուրդ է,— գրում է Ավետիս Ահարոնյանը:— Անոր կենքը, նիստ ու կացը, հագուելու եղանակը, նրա կերակուրները անգամ (հռչակաւոր թանի ապուրը) անսահման սեր եւ հետաքրքրութիւն կը ստեղծէր ժողովուրդին մօտ: Նրա ամեն մի խօսքը անքննադատելի եւ վսեմ պատգամ է»:

Համազգային սեր ու պատկառանք վաստակած Վեհափառն անցել է կյանքի ողբերգական ճանապարհ, բայց երբեք չի կորցրել հոգու լույսն ու մտքի պայծառությունը: Վաղ հասակից գրկվել է հորից, երիտասարդ տարիքում կորցրել մորը, կնոջն ու երեխային: Մշտապես աչքի առաջ էին իր ժողովրդի դժգոհ կյանքն ու իրավագուրկ վիճակը: Նրա բարոյական ու մտավոր հարստությունը կուտակվել է ոչ միայն ընթերցած գրքերից, այլև կյանքի դառը փորձառությունից:

Խրիմյանի իմաստասիրական-բարոյական ընթերցումները նախաառաջ իր կրած տառապանքների ու զրկանքների դրսևորումներն են: Նրա պատգամների ու գործունեության վերաբերումն այսօր առավել քան երբևէ, անհրաժեշտություն է, հրամայական: Ֆիզիկական ու հոգևոր ներկայությամբ



«Այժմ իմ հայրապետական կոնդակով, տարաբախտ ազգիս վշտալի հայրապետս յորդորս եմ կարողում ձեզ, մեր բոլորի սիրելիներին, որ իսպառ թօթափեն սրտերից ատելութիւնը, մեծատուութիւնը եւ լինեն ընդմիշտ մի սիրտ եւ մի հոգի. համերաշխ եւ եղբայրական սիրով գործեն այնպիսի խոհեմութեամբ, իմաստութեամբ, որ իրենց գործունեութեան արգասիքները վնաս չբերեն մեր ազգին, այլ օգուտ ու զարգացում»:

Խրիմյանը պատկառազու անհատականություն էր, որի խոսքն ու գործը մեծ արձագանք էին գտնում հայության շրջանում: Ժողովրդի կողմից Խրիմյանը հոգևորականի չափ ընկալվում էր նաև որպես բանաստեղծ: Իր գրական ստեղծագործություններում նա շարունակում էր հայրենյաց սիրտ և ազգասիրության այն գաղափարները, որոնք իրականացնում էր հոգևորական գործունեությամբ (Խրիմյան Հայրիկի ժառանգությունն ի մի է բերվել 1929 թ. Նյու Յորքում հրատարակված հսկայածավալ գրքում՝ «Ամբողջական երկեր»-ում):

Այսպես՝ «Պապիկ և թռեմիկ» ստեղծագործության մեջ, որ համարվում է Սկրտիչ Խրիմյանի գլուխգործոցը, պապիկը թռեմիկին ժառանգում է հայոց հողի պաշտամունքը, ընտանեկան սրբությունների ու ազգային ավանդույթների սերը: «Իր գրականութեամբ ժողովուրդը մղեց սիրելու իր հողը գաւակի մըն մման եւ անկէ չհեռանալու,— նկատում է Վիգեն Թոսունյանը:— Տէր կանգնեցաւ իր հօտին իսկական հովիւի մը մման եւ զայն պաշտպանեց զայլերու վոհմանկներէն: Քաջ քրիստոնէայ եկեղեցականի վայել կեցուածքով դէմ դրաւ մեր ժողովուրդը քնացած պա-հող Կոստանդնուպոլսոյ տգէտ հայ մեծահա-րուստներուն.....»:

Խրիմյանը գտնում էր, որ «Աշխարհի մեծագոյն մարգրիտը Աւետարանն է», և որ «Առանց Աւետարանի առաջնորդութեան ուրիշ ուղիղ ճանապարհ չկայ»: 1854-ին, երբ Պոլսո Սկյուտարի Ս. Խաչ եկեղեցու քարոզիչն էր, մի առիթով դիմելով եկեղեցու մեջ ներկա հայազգի գործիչներին և իր խոսքն անմիջականորեն ուղղելով սուլթանի վառողապետին՝ Տատյան ամիրային, ասում է. «Կը բաւէ արքունիքին վառօր մատակարարես: Ամբարած վառօղներէդ քիչ մըն ալ Հայաստանի հայերուն տուր՝ թշնամիներու դէմ գործածելու համար»: Ապա, դառնալով արքունի ճարտարապետին՝ Պալյան ամիրային, հորդորում է. «Կը բաւէ սուլթանին համար պալատներ շինես, եկրոր, քեզի Հայաստան տանիմ, հոն մեր նախնիներու աւերակներ շատ կան: Եկրոր եւ նորոգէ մեր փլած եւ կիսաւեր մարոցները, բերդերն ու պալատները»:

Այսօր, երբ որեւորդ անգամ մեր ժողովրդի ու պետականության գլխին կախված են ցեղասպանության ու անկախության կորստի սպառնալիքները, հրատապ է առաջնորդվել Խրիմյան Հայրիկի հղած պատգամներով՝ մշտապես գիտակցելով նաև, որ ունայն են այն բոլոր հիւսիսերը, որոնք կապվում են միջազգային համրության ու գերտե-

րությունների հետ: Ճշմարիտ ուղին մեկն է. հայն իր հույսը պետք է դնի միմիայն իր վրա՝ անընդհատ զինվելով ու կռուելով իր հողին. «Ահա թողում ձեզ մշտախոս կտակ, որ հայն իր հայրենաստուր հողեն չբաժնվի, զի հողն պետք է: Կենաց և մահու օր պինդ գրկէ հողն»: Այնուհետև՝ «Յոյսերդ յԱստուած եւ ի քեզ ժողովէ, վիատեալ ժողովուրդ, եւ գո՛նէ գիտցիր այսուհետս թէ՛ դու ինքդ ես միայն քեզ օգնական»: Նույնն է հորդորում Հայրիկը նաև արտերկրի հայերին ուղղված կոչում. «Սիրելի և օրհնված հայեր, երբ վերադառնաք հայրենիք, որպես նվեր ձեր ընկերներին ու բարեկամներին մեկական հատ հրացան տարեք: Ժողովուրդ, ամեն բանից առաջ ձեր ազատության հույսը ձեզ վրա դրեք, ձեր մտքի և ձեր բազկի ուժի վրա: Մարդը պիտի ճգնի իրեն փրկելու համար»:

Բռնիքի վեհաժողովում համոզվելով, որ մեծ տերությունները երկդիմի քաղաքականություն են վարում, և Հայաստանի ու հայերի հարցը նրանց բոլորովին չի հուզում, Խրիմյանը ցավով նկատում է, որ անտեղի, իզուր էին հայության հույսն ու հավատը, թե եվրոպական քաղաքակիրթ տերությունները թույլ չեն տա ոտնահարելու արդարությունը: Ի վերջո, քաղաքակրթությունն ու մարդասիրությունն ավելի դիմակ են՝ քողարկելու դիվանագետների հոգեկան ամլությունը: Ուրիշ ժողովուրդներ վերոպայումն ապուրը երկաթե շերտիով էին ճաշակում, այնինչ Հայաստանի շերտի թղթից էր. «Պռնիմուն բոլոր հպատակ ազգերի համար բաժանում էր հոգեճաշ հարիսա, դուք ինձ ուղարկել էիք, որպէսզի ես գնամ եւ բերեմ մեր բաժինը: Բոլորը եկան իրենց երկաթե շերտիներով, վերցրին ու տարան իրենց բաժինը, երբ ես փորձեցի վերցնել մեր բաժինը, իմ շերտի թղթից էր ու լո՛ծուեց մնաց հարիսայի մէջ, ես մնացի ձեռնունայն»,— ասում է Հայոց Կաթողիկոսն ու հորդորում հայությանը՝ դեն մետել դարերով արմատացած կրավորականությունն ու դառնալ սեփական ճակատագրի տերը, պատրաստվել ազգային-ազատագրական պայքարի: ➔ էջ 7, 8

ՔՐԻՍՏՈՆԵՈՒԹՅՈՒՆԸ ԵՎ ՀԱՅ ՄՇԱԿՈՒՅԹԸ

Գոյութենապաշտությունը Հովհաննես Թումանյանի ստեղծագործություններում

ՀՈՎՀԱՆՆԵՍ ԹՈՒՄԱՆՅԱՆ — 155



Անկերամշակության փոխակերպումների վայրիվերումներում, կյանքի գրեթե բոլոր ոլորտներում ակնհայտ է գոյութենական լարվածությունը: Ուշագրավ է, որ այդ լարվածությունը նախագծվում և արտացոլվում է ոչ միայն մամուլի էջերում ու հրապարակումներում, այլև ֆիլմարվեստում և գեղարվեստական գրականության մեջ: Եվ, մեծ հաշվով, արվեստագետները, գրողներն ու հրապարակախոսները կարող են ինչպես նպաստել, այնպես էլ թուլացնել գոյութենական լարվածությունը:

Սույն հոդվածի մեջ մենք փորձել ենք ուսումնասիրել կյանքի ընկալման համապատկերը Հովհաննես Թումանյանի ստեղծագործություններում՝ հաշվի առնելով տվյալ դարաշրջանի և՛ պատմաքաղաքական ու հասարակական ծանր կացությունը, և՛ բանաստեղծի անձնական կյանքը, ներկայացնելով Թումանյանի՝ որպես հայոց անհուն տառապանքը կրող և իր ստեղծագործություններով բյուրեղացնող մեծագույն գրողի գոյութենապաշտությունը: Արցախի կորստի և Հայաստանի Հանրապետության առջև ծառացած մարտահրավերների համապատկերին զուգահեռվում են Թումանյանի ապրած ժամանակաշրջանի ազգային ողբերգության մուսկանդն ու դրսևորումները: տարբերությունն ընկալման և ներկայացման մեջ է: Ապրելով իր հայրենիքի համար պատմական ծանր ժամանակաշրջանում, բեկելով իր մեջ ոչ միայն անձնական, այլև համամարդկային ու համազգային անվերջանալի տառապանքներն ու ողբերգությունները, այնուհանդերձ, բանաստեղծն իր մեջ պահպանել է գոյութենապաշտությունն ու ներդաշնակության և բարեշրջության երազանքը, կյանքը վերաբժնորոգել համամարդկային վսեմ գաղափարները, հանուն բարձրագույն արժեքների զոհաբերվելու պատրաստակամությունը:

Կատարելության ու իրականության սուր հակադրությունը բանաստեղծի գոյութենական ընկալումների և կատարելատիպի միջև խզում է հաճախ, մա այդպես էլ չի դարձել իրերի ու հանգամանքների ենթական, ավելի՛ն իշխանություն է հաստատել դրանց վրա՝ հռչակելով բարոյական իր տեսույթը:

Հեյ ազահ մարդ, հեյ անգոհ մարդ, միտքդ երկար,
կյանքդ կարճ,
Քանի՛ քանիսն անցան քեզ պես, քեզնից առաջ, քո առաջ:
Ինչ են տարել նրանք կյանքից, թե ինչ տանես դու քեզ հետ,
խաղաղ անցիր, ուրախ անցիր երկու օրվան էս ճամփեդ:

Հայդեգերյան այս գոյութենապաշտությունն արտացոլվել է ոչ միայն ուշ, այլև վաղ շրջանի գործերում, անձնական, հանրային և ազգային կյանքի ծանրագույն շրջաններում: Եթե Գրիգոր Նարեկացու դեպքում տեսնում ենք «ի խորոց սրտի խօսք ընդ Աստուծոյ», ապա Թումանյանի պարագայում դա ներքին հաղորդակցություն է տիեզերքի, հավերժության, անհունի հետ: Իրական աշխարհն ու անդրաշխարհը, մարմնի ժամանակավոր կյանքը և մարդկային հոգու անմահությունը համաքայլ են:

Խոհափիլիսոփայությունը կյանքի ու մահվան, մարդու բնույթի և ճակատագրի, մարդու և բնության միասնության շուրջ ներհատուկ է Թումանյանի գրեթե ամբողջ ստեղծագործությանը:

Ծագործությանը: Ապրումակցման, ներհայեցումի, խոր մուսկանցումների և ինքնամուսկանցումների արտացոլմամբ շոշափում ենք գրողի ներքին ամբողջության համակարգը: «Ախ, ես երանի // Կայծակ լինելի, // Որոտ-ճայթյունով // Մըռայլ ամպերից // Ժայթքելի ըմբոստ, // Ջարկելի ուժգին, // Պատռելի խավար // Կամարը երկնի, // Ցույց տալի մարդուն // Գաղտնիքը վերին, // Որ տեսներ՝ այնտեղ // Ինչ բան կա ահեղ, // Կամ ո՛վ է նրստած, // Եվ ո՛ր է աստված...»: Ամսափայլի խորհրդին ենք հաղորդակցվում «Դեպի անհունը» ստեղծագործությամբ:

Փանք անպատում մըխիթարչին,
Փանք խորհուրդին անմահության.
Նա է կըրում հույսը վերջին
Ու շոգն անշեշ, արարչական.
Փանք խորհուրդին անմահության....
Վիշտը հանգչում է նրա մեջ,
Ապրում սերը անապական.
Փանք խորհուրդին անմահության...

Բովանդակային առնչություններ ունեն «Դեպի անհունը» և «Խորհրդավոր մեռելը», «Ընկերիս», «Ժամանակն անվերջ», «Երնեկ թիթեռ ես լինելի», «Ցուլուն աստղեր ջինջ եթերում», «Դու գնում ես անդարձ ճամփա», «Տիեզերքի ընթերցումը», «Սիրիուսի հրաժեշտը» ստեղծագործությունները, որոնցում ևս գոյութենական դատողությունները մնում են կենսունակ՝ բանաստեղծի համար ամենածանր պայմաններում անգամ չառաջացնելով սահմանաբաժան վերացական ու առարկայական իրականության միջև:

Հավերժը, անհունը կամ աստվածայինը, կապված լինելով բանաստեղծի ներաշխարհի հետ, դառնում են նրա անհատականացված գիտելիքը, համագնունքն ու աշխարհայացքը: «Անհայտը», «Վերը», «Բարձրը», «Անհունը» ներդաշնակ, երջանիկ կյանքի թունամյանական իդեալի խորհրդանշական համակարգն են: Եվ ոչ մի ողբերգական դիպաշար, ոչ մի պատում այդպես էլ ի գործ չէրվել խաթարելու նրա ներքին վիպական խաղաղությունը: «Անուշ» պոեմում անգամ անմուրազ մեռած սիրահարներն իրենց երջանկությունը գտնում են երկնքում, և երկինքն իմաստավորվում է սիրով: Բանաստեղծը հաճախակի է նայում երկնքին, ինքնամուսկանում և արժևորում նրա հետ շփումը: «Սքանչելի է երկինքը, իսկ ո՛վ է նայում դեպի երկինքը»,— ասում է բանաստեղծը: Երկինքն իմաստավորվում է որպես բարձրագույնի, վեհի ու կատարյալի մարմնավորում, արտապատկեր ու վերագրում, որպես միջնորդավորված կապի օղակ իր և Աստծու միջև: Հերոսն իր երջանկությունը պատկերացնում է Անհունի մեջ:

Աստվածայինը, հավերժականը, տիեզերականը հազար ու մի անուն ունեն Թումանյանի աշխարհում՝ Անճառ մին, Անվախճան, Աստված (ոչ միայն որպես դավանաբանական էակ, այլև տիեզերական կատարելություն, հավերժական խորհուրդ): Մարդկային կյանքի անկայունությանն ու անհաստատությանը, բնականաբար, նաև անցողիկությանը հակադրվում է հավերժականը: «Եվ ինչ է մարդը, և ինչ իրեն կյանք,— // Եղծական ձևեր, ծայրեր, շարժումներ: // Հավերժականը չունի կերպարանք, // Նա լուռ է, անշարժ, հաստատ, աներեք...»: Գոյութենական հիասթափության վիճակից դուրս գալու ելքը Թումանյանը կրկին հավերժական ու բացարձակ աշխարհի՝ Աստծու հետ մարդու կապի հաստատման մեջ է տեսնում: Աստծու հետ կապը, երկինքը, տիեզերքը սեփական գոյութենապաշտության բացահայտումն են:

Որ հայացք ես ինձ տրվել վերամբարձ՝
Սուզվելու վերին սահմաններն արփի,
Որ միտք ես տրվել երկնաճեմ ու բաց՝
Չափելու ահեղ բացերն անչափի,
Որ կապել ես մեզ, հոգիս քեզ արել՝
Հոգուս անհունի հըրճվանքը տալով,
Բարձրը ճակատիս ժրպիտ ես վառել,
Վառել, զարդարել արփեմի փայլով,
Անթաթափ աչքով, անխարխափ հոգով
Կարդում եմ քո վեհ ազդուններն անվերջ,
Կարդում եմ պայծառ, ուրախ ցերեկով,
Ու գիշերները ահավոր ու պերճ:
Վերանում է վեր հոգիս զրվարթուն—
Չըկա մոտ ու տար, չըկա վեր ու ցած,
Տիեզերքն ամբողջ հայրենիք ու տուն,
Ու ես մի ազատ՝ անտարբեր աստված:

Այս բանաստեղծության մեջ հայդեգերյան ազատությունն է, որի մեջ մեծ է պատասխանատվության բեռը: Հայդեգերի համոզմամբ՝ ազատ լինել նշանակում է չգործել և չմտածել այնպես, ինչպես գործում և մտածում են ուրիշները, նշանակում է որոնել և գտնել ինքը քեզ, և եթե մարդն ամբողջությամբ տնօրինում է իր գոյությունը, ուրեմն պար-

տավոր է պատասխան տալ իր բոլոր գործողությունների համար: Միաժամանակ նա պատասխանատու է ոչ միայն իր, այլև բոլորի համար: Բոլորի համար պատասխանատու լինելը մարմնավորվել է Թումանյանի տարբեր ստեղծագործություններում: Ահավասիկ կոթողային այս քառյակը, ուր նաև արտացոլված են Հայոց ցեղասպանության տառապանքի միջով անցած բանաստեղծի գոյութենապաշտական հիասթափությունն ու ընկճվածությունը, որ արդիական են նաև այսօր:

Բերանն արմոտ Մարդակերը էն անբան
Հազար դարում հազիվ դառավ Մարդասպան,
Ձեռքերն արմոտ գընում է նա դեռ կամկար,
Ու հեռու է մինչև Մարդը իր ճամփան:

Այս քառյակն ընկալվում է ծածկագրեծվում է որպես և՛ ազգային ողբերգության, և՛ աշխարհի մեռնող քաղաքակրթության փոխանցում: Ինչպես տիեզերական ներդաշնակության, այնպես էլ ընդհանուր համերաշխության իրական կարգազանցը անձնապատասխան ու անձնիշխան մարդն է, որը չի հաղթահարում իր ճղճիմությունը և հազիվ հասնում է մարդասպանի մակարդակին: Եվ բանաստեղծը գոյութենապաշտական հիասթափության հաղթահարումը փնտրում է «հեռու մի անկյան» մեջ:

Լինե՛ր հեռու մի անկյուն,
Լինե՛ր մանկան արդար քուն,
Երագի մեջ երջանիկ,
Հաշտ ու խաղաղ մարդկություն:

Գեղարվեստական գիտակցման զարգացման բոլոր փուլերում էլ համընդգրկուն և ընդարձակ են Թումանյանի մտքի, հոգու և ճանաչողության սահմանները: Նա հաղորդակցվեց համաշխարհային գրականությանն ու փիլիսոփայությանը, հոգեբանությանն ու արվեստին, բայց մնաց եզակի իր աշխարհընկալմամբ, արժեհամակարգով ու մտակարգով՝ մույնիսկ ցավի և տառապանքի մեջ արտացոլելով գոյութենապաշտություն: «Ծանրանում եմ մեր աշխարհիքի ամեն ցավերը, գուցե այդ արդեն ապացույց է, որ ես էլ եմ բանաստեղծ, բայց, ասում եմ, զարմանալու բան է, ես առանց երգելու հոգնած եմ այդ ցավերից ու սիրում եմ բոլորովին ուրիշ ցավեր, ավելի անուշ, ավելի աստվածային, երջանիկ ցավեր: Զգիտեմ այսպես է, թե՛ ինձ այսպես է թվում. թե կարող ես ջոկիր.— այս ի՞նչ կենտրոնախույս տրամադրություն էր, որ իմ մուսային դարձնում է դավաճան՝ ազգի առջև»,— գրել է բանաստեղծը: Սիրելի ցավը, այն համարել անուշ ու աստվածային կարող էր միայն բարձրագույն արժեքներին և Արարչին մերժեցողը, արարչական սկիզբը, ընթացքն ու ավարտն իմաստավարողը: Բնության տարբեր տեսարանների ու պատկերների հետ Թումանյանի ամուր խոհազգացմունքային կապը ևս փաստում է բնության ազնվության հետ նրա խորքային ինքնամուսկանցումների մասին: Նա բնության պես ազնիվ է, մաքուր և բյուրեղյա, և բնությունը՝ որպես հավերժի ստորոգություն, դառնում է գոյութենապաշտություն: Բազմաթիվ են բնությանն ու տիեզերքին մերժենալու՝ բանաստեղծի ստեղծագործությունները, որոնք ևս ամբողջացնում են կյանքի գոյութենապաշտական ընկալումը, ինչպես:

Ո՛վ է ձեռքով անում, ո՛վ,
Հեռվից անթիվ ձեռքերով՝
— Ձան, հայրենի անտառներ,
Դուք եք կանչում ինձ ձեր քով:

Հանդերձյալ կյանքին, հոգու անմահությանը, ճամփորդ հոգուն առնչվող շեշտադրումները ևս սահմանում են բանաստեղծի կյանքի գոյութենապաշտական ըմբռնման ուղղվածությունը: «Երկու շիրիմ իրար կից, // Հավերժական լուռ դըրկից, // Թախծում եմ պաղ ու խորհում, // Թե՛ ինչ տարան աշխարհիքից»: Իսկ ճամփորդ հոգին ներմբռնողական և ենթագիտակցական մղումներով տիեզերքում հարթում է իր ճանապարհը՝ այդ կերպ հաղթահարելով մահվան ողջ սարսափն ու ճնշումը:

Տիեզերքում աստվածային մի ճամփորդ է իմ հոգին.
Երկրից անցվոր, երկրի փառքին անհաղորդ է իմ հոգին,
Հեռացել է ու վերացել մինչ աստղերը հեռավոր,
Վար մնացած մարդու համար արդեն խորթ է իմ հոգին:

Այսպես՝ հավերժը, տիեզերքը, երկինքը համընդգրկուն մտքի խիզախումներով դառնում են ինքնատիպ դրոշմ Թումանյանի ստեղծագործություններին՝ ոչ միայն ընդգծելով արարչագործության խորհուրդը, այլև բանաստեղծի կերպարը դարձնելով բացառիկ ու անըստոյուն:


Լուսինե ՂԱՐԱՆՍՆՅԱՆ
հ. գ. ք., դոցենտ

Աստվածորոնում

Սկիզբը՝ նախորդ համարում

Նարեկացին խորացնում է մարդու մեղսական անուղղելիությունը: Խոստովանությունը և ներումը դեռևս սահման չեն, որովհետև մարդն իր սխալի մեջ անուղղելի է: «Բայց ինձ ինչ օգուտ՝ հյուսել այս խղճուկ խոսքերը մորմոք, չափաբերական, // Երբ որ անցել է չափն իմ մեղքերի և անհնար է բուժումը նրանց» (Ե, դ): Նարեկացին անընդհատ ինքնախարազանման մույն խոսքերն է ասում. «Իսկ իմ մեղքերն ու հանցանքները այնքան շատ են, որ հիշել չի լինի» (Զ, գ): Այս ամենով հանդերձ իր փրկության հույսը նա չի կորցրել. այդ հույսն է, որ մեղքերից ազատագրվելու ակնկալիքով՝ նրան մղում է անընդհատ դատապարտելու իրեն: Իր մեղքն իրենն է, բայց իր մաքրագործման տարերքով նա իրեն «մեղողներից» ոմանց ուժ է տալիս, որոնք կենդանանում և իրենց հերթին կորստյան են մատնում նրա հոգին:

Նարեկացին թվարկում է մարդկային մեղավոր հոգու հատկանիշերը. «Որդիս գեհեմի և ոչ արքայության»՝ իրեն ամեն ինչով համարելով անարժանի մեկը. «Պաշտոնյաս տիրադրուժ է և երախտամոռ»: Ինքնախարազանման առաջին հարվածն ավարտվում է ինքնորոգ գլխում, երբ նա անում է իր մեղքերի չափուկչիռը, այսինքն՝ ինքնագիտակցման է բերում իր արարքների ամբողջությունը.



Զի եթէ զլիճ մի ծովուց ի յորակութիւն դեղոյ յեղեղեցից,
Եւ զղաշտս ասպարիսաւք բազմաւք սահմանալ՝
Ի տարածումն լայնութեան քարտենի չափեցից,
Եւ զպուրակս յոգունց անտառաց շամբից եղեգանց
Ի հատուածս գոյութեան գրչաց կազմեցից,
Եւ ոչ գթիւ մի ի բարդելոցն անալեճութեանց
Զարեցից ընդ գրով սահմանի գրաւել,
Նա զի թէ զմայրս Լիբանանու ի մի լուծ կշռոց զաղեցից,
Եւ կամ զեռան Արարատեան
Ի կետ ամբարձման մծարի միոյ
Արդարութեան միջնորդ կացուցից,
Ո՛չ հաւասարէ այնր հարթութեան համազուգակցել (Թ, ա):

Այսպես՝ իր «մտածումների հույզերը թաքուն» իբրև արդեն կատարված չարիք խոստովանելով՝ Նարեկացին համզում է հաջորդ իմաստությանը, ըստ որի՝ «Թե՛ զղջումն ուժգին և թե՛ մոլեգին մեղանշումն մեզ // Կորստյան են մատնում հավասարապես» (Ժ, ա): Այս զգացողությունը կարծես թե պետք է հավասարակշռության բերի նրան: Բայց հավասարակշռությունը նա պահպանում է ոչ թե մեղքի ու զղջումի տարերքն ավելի մերձեցնելով մծարի կենտրոնին, այլ ավելի հեռացնելով իրարից ու էլ ավելի ծավալելով, և դա այն աստիճանի, որ փոթորկահույզ տարերքն անհնարին է դառնում ոչ միայն զսպել, այլև կառավարել գիտակցությամբ:

Նարեկացին խորանում է մինչև մարդկային հոգու անդունդը, տեսնում է մարդու անկումը մինչև վերջ, ուր ոչ թե մարդն է Աստծու տված կերպարով, այլ բազմաթիվ արատների մեջ փոխված մարդը: Ի վերջո՝ մարդ-չարիքը, մարդ-չարքը, մարդ-սատանան: Մարդ-սատանան, որ ունակ է ամեն ինչի՝ ստախոսությունից մինչև իր նմանին ոչնչացնելու կործանարար կիրքը: Մարդ-սատանան՝ չարը, չարիքը, բոլոր այն երկրածին մեղքերի կրողը, ինչը նրան կարող է դարձնել միմիայն դժոխքի բաժին: Ահա այս անդունդից նա հայացք է ուղղում դեպի վեր, ուր ամբողջական մարդն է, Աստծու նմանությունը ստեղծված մարդու լիարժեք կերպարը: Նարեկացին ձգտում է վերականգնել այդ կերպարը, վերագտնել ամբողջական ու լիարժեք մարդուն: Իսկ այդ մարդը, քանի որ ստեղծված է Աստծու նմանությամբ, ուստի մարդուց նրա հայացքն ուղղվում է Աստծուն՝ բացառիկ կատարյալին, միակին, որը և չափ է ու չափանիշ:

Նարեկացին ասես յուրովի մարմնավորում է մահվան և հարության առասպելը: Մարդը մեռնում է իր մեղքերի ծանրությունից և հարություն է առնում՝ ապաշխարելով իր շեղումների համար: Ապաշխարումը փրկություն է, խոստովանությունը մաքրագործման միջոց է, որովհետև քո առջև ոչ թե հոգևոր քննիչ է, դատախազ կամ դատավոր, այլ Ինքը՝ Գերագույնը, Բացառիկը, Ամենագութը, մեկ բառով՝ Աստված:

Նարեկացու խոսքը ծովի ալիքների պես է, որ մոտենում է ափին ու փշրվում որպես մեղքերի խոստովանություն, բայց որը վերջ չունի, ալիքները հաջորդում են իրար, ավելի հախուռն՝ հոգու փոթորկման պահին և ավելի խաղաղ՝ հեթոթական հզոր տարերքից հետո: Ծովը, որ Վանա լիճն է, տարբեր ձևերով առկա է «Մատյան....»-ում: Եղանակը փոխում է, բայց պատկերի հիմքը մույնն է. «Կյանքը ինձ համար նման է սաստիկ ծփացող ծովի, // Ուր հոգիս մարմնիս շինվածքով՝ իբրև նավակում, // Իրար վրա խուժող անթիվ, անհամար ալիքներից // Տարուբերվում է միշտ այս աշխարհում» (ԻԵ, Բ): Այսպես նա իրեն ամեն պահի տեսնում է «հոգևոր խորտակման» մեջ: Ամբողջ այս գլուխը ծովի, փոթորկի, նավի խորտակման տեսարանն է պատկերագրում: Այնքան մուրբ մանրամասներով է Նարեկացին ներկայացնում խորտակվող նավի թիակները, կայմը, առագաստը, դիտարանը, առասանները, պարանները, սամինները, խարիսխը, դեկը, լաստի ողնափայտը, նավագոգը, հետնակողը, տախտակաշարը, բազմոցներն ու գահավորակը, ողբացող նավապետին, որը «Ձեռքը ծնոտին դրած՝ արցունքի գետ է հոսեցնում», որ թվում է, թե ինքը և՛ նավը կառուցողն է, և՛ նավաստին, և՛ նավապետը:

Ամեն ինչ խորապես ամճավորված է: Որքան էլ Նարեկացին՝ որպես մարդ անհատ, լինի մարդկության խորհրդանիշ, այնուամենայնիվ այնքան ներանձնական ինքնակործան անմիջականությամբ է ամեն ինչ ներկայացնում, որ ասես ոչ թե ինքն է մարդկության խորհրդանիշը, այլ հակառակ՝ մարդկությունն է իր խորհրդանիշը: Սա արդյունք է ծայրահեղ կենտրոնացման, ինչը և աղոթքի գերագույն վիճակն է: Այնպիսի կենտրոնացում, որ երբեք չկասկածես, թե Աստված չի լսում քեզ: Դա բարձրագույն հավատն է, որի միջոցով Նարեկացին փորձում է երկրային մեղքերի մեջ կորած մարդուց մոր մարդ ստեղծել: Ահա այս պահերին է, որ մարդուն (մարդկությանը) նա ասես նայում է երկնքից, նայում է տիրոջ հայացքով:

Շարժման երկու ուղղություն կա. մեկը՝ երկրից երկինք, որ ինքը՝ Նարեկացին է փորձում հաղթահարել և մերձենալ Աստծուն, և երկնքից երկիր, որ Սուրբ Զոգին իջնի և բնակվի իր մեջ: Երկրորդի կապակցությամբ գրում է. «Ո՛վ ամենապարզ և ձեռք Զիսուս Քրիստոսի, // Դարձիր դեպի ինձ, քո շնորհատու աջը կարկառելով, // Բնակվիր իմ մեջ և միացիր ինձ....» (ԼԲ, դ):

Փրկության հույսերի մեջ հարակալորեն խորանում է ողբերգության ցավը. ուրախության նվազների փոխարեն ողբին լծակից

խոսքն է. «Ուր կան հառաչներ, հեծության ձայներ, ցասկոտ բողբոջներ, // Խորտակիչ նախատիքներ, սաստիկ լաց ու կոծ» (ԼԳ, Բ): Նարեկացին ամբողջովին ձգտում է «ծածուկ խորհուրդների բարձրաձայն խոստովանության», որպեսզի «խոսքի հաղորդությամբ» արժանի լինի երկնային ամենակարող Տիրոջը: Այդ անկեղծությունն էլ, ինքնառոչնչացմամբ այդ ինքնահաստատումը («Ես, որ իմ ձեռքով իսկ ջնջեցի ինձ») նրան ուժ ու վստահություն են տալիս դրանով «սպառազինված» մտնելու ասպարեզ (ԼԴ, Բ):

Նարեկացին խոսում է իր անունից, բայց համայն մարդկությանը ձայնով, սակայն առանց մարդկությանը մեղադրելու, այլ միայն իրեն՝ որպես բոլորի մեղքերի կրողի և պատասխանատուի. «Արդ, ես ճշգրիտ պատկերս ամենայն մարդկանց, // Խառնելով մեղքերս նրանց մեղքերին, // Եվ նրանցով դառնությունն իմ կրկնակի ավելացնելով՝ // Զեժեժեմ պիտի նրանց հետ դարձյալ....» (Ծ, գ): Այնուհետև. «Զոգուս թևերով շրջեցի մարդկանց անթիվ անհամար սերունդների մեջ // Եվ ինքս իմ մեջ կշռադատելով չգտա ոչ ոք ինձ չափ մեղավոր. <...> // Ուստի գտնում եմ ես իրավացի համարել միայն մեղավոր ինքս ինձ, // Քան թե իմ խոսքով շատերին դատապարտել» (ԾԵ, ա): Նարեկացին հույս ունի, որ իր դեմ մեղանշողներին ներելու համար գուցե Տերն էլ իրեն ներում չնորիի:

Նարեկացին թվարկում է սրբերի ու երանելիների անուններ և ասում, որ ինքը ոչ Զորն է, որ իրեն արդար ու անարատ համարի, ոչ Մովսեսն է, որն ասում էր. «Տերը պիտի ճանաչի նրանց, ովքեր Իրենն են», ոչ Դավիթն է, որ վստահ իր մաքրությանը՝ խոսք է ուղղում Տիրոջը. «Եթե սրտիս մեջ անօրինություն տեսնեի, Տերն ինձ չէր լսի», ոչ Եղիային է մնան, որն իրեն Աստծու այր է կոչում, ոչ Երեմիան է՝ «Ծշմարտությունդ կօրինակեի», ոչ Եզեկիան է՝ «Քո աչքի առաջ ես արդարությամբ քայլեցի», ոչ էլ Պողոսն է, որն իրեն համարեց Աստծու խոսքի բնակավայր, այլ ինքը՝ «անօրեն» Նարեկացին է, որ իր այդ «անօրինությամբ» դառնում է մույն այդ ընտրյալներին դասակից:

Մեղավորի ու անմեղի այս հավերժական պայքարի հիմքում ընկած է կյանքի և մահվան հիմնահարցը. ինչ է մարդու կյանքը, և ինչպիսի՞ն պիտի լինի այն: «Ծաղկում եմ միշտ ու չեմ խրախուսվում» (ԿԲ, ա),— ասում է բանաստեղծը՝ ի ցույց դնելով կյանքի մարդակործան ծաղրը, խաղըը, խայտառակությունը, որի մեջ նա պիտի ապրելու ճանապարհը ճշտի՝ ճանապարհին ընկած ուղիղ խոսքի սերմը չտրորելով (Կ, դ):

Նարեկացին կյանքում պարտվածների, կորածների հետ է, որովհետև նախառաջ նրանց հոգիները պիտի փրկել: Նա ոչ թե անիծում է շեղվածներին, այլ ճանապարհ է ցույց տալիս՝ աստվածային ներում հայցելով բոլորի համար: Նարեկացին մեծ ներումի պատգամախոսն է, քանի որ արդարներին ու անարդարներին բաժանող սահմանը մարդը չի գծել, այլ կյանքը՝ իր օրինակներով: Մարդու փրկությունը դառնում է գերնպատակ, ուստի առանց երկմտելու՝ հայտարարում է. «Ողբացեք վրաս այս խոսքի համար. // Թե՛ Ինչպես եղեգնը կվառվի կրակների մեջ, // Այնպես էլ մեղավորները այրվեն պիտի բոցերում բորբոք»: Լացեք սաղմոսի այս խոսքի համար. «Կրակի կայծեր պիտի թափես դու նրանց վրա»» (ԿԲ, Բ): Եվ այսքանից հետո՝ «Կյանքի օծումը պարզեցի ինձ՝ քեզ աղաչողիս» (ԿԲ, Գ),— այնուհետև մույն ուղղությամբ խոսքը շարունակում է՝ դու Ինձ երբեք կորչելու տեղիք չես տալիս» (ԿԳ, ա):

Այս ամենի նախասկիզբը մաքրագործվող հոգին է: Նորից ու վերստին Նարեկացին իր ասածն է պնդում և իր պնդածը հաստատում. «Ամոթալի արարքներս նշավակեցի, // Գաղտնիքներս հրապարակեցի, // Ծածուկներս հայտնեցի, // Թաքցրածներն ի ցույց հանեցի....» (ԿԵ, ա):

Անխուսափելի վախճանի առջև կանգնած՝ նա ինքն իրեն կենդանի չի համարում, ապաև շարունակում. «....ոչ էլ կորած եմ կարծում ես ինձ», քանի որ, ըստ նրա, կա «մորոգման հրաշքը», որին հավատում է

(ԿԵ, Գ): Որքան մեծ է փրկության հույսը, մույնքան էլ «սահմանափակ է մարդկանց փրկության կարողությունը» (Զ, Գ): «Ո՛ւր փնտրեմ փրկությունս ես....» (ՀԱ, Գ),— աղաղակում է Նարեկացին, քանի որ *անհաղթահարելի է թվում մարդու երկդիմի բնույթը*. «Չրեշտակ եմ դառնում երեսանց ու խորհուրդների մեջ դիվանուն....» (ՀԱ, Բ): Այս մտականույցն իշխում է ամբողջ գրքում, և ըստ Նարեկացու՝ մարդը ներքուստ չի միավորվում, չի ամբողջանում սուրբ Էությանը, սատանան մարդու մեջ միշտ իր սև գործն է անում: Ու մորից այդ սև թույնը Նարեկացին իրենով է ներկայացնում. «Չկա ոչ ոք մեղավոր ինձ պես, ոչ ոք՝ անօրեն, // Ոչ ոք ամբարիշտ, ոչ ոք անիրավ, ոչ ոք չարագործ, <...> // Ոչ ոք դատապարտված, ես եմ այդ բոլորը, և բոլորի հանցանքներն իմ մեջ են» (ՀԲ, Բ): Եվ իրենով էլ մաքրագործում է. «Հանձիր խայտառակությանս նախատիքներն ամոթալի, <...> // Հանգիստ պարզեցի մեղքերի բեռով աստուիկ հոգնածիս» (ՀԲ, Գ): Այդպես նա փորձում է իր վրայից հանել դատապարտության կնիքը և փրկել հոգին:

Նարեկացին Աստծու աստվածային զորության հետ մեկտեղ ցույց է տալիս նաև Նրա մարդկային էությունը: «Զվարճախառն երկյուղով» նա գրում է հերթական ողբածայն նվազը չարչարանքների մասին, որ բոլորի Աստվածն իր փոխարեն կրել է. «Կանգնեցիր իմ կերպարանքով ստեղծածիդ առաջի առաջ....» (ՀԵ, ա): Կերտում է Զիսուս Քրիստոսի կերպարը խաչելության դիմաց. «Եվ խառնիճաղանջ ամբոխի առջև զանախարելով նրան սաստկապես՝ // Խիստ անարգանքի դատապարտեցին, // Ծնրադրեցին՝ ծաղրելու և պատկ դրին՝ հեգնելու համար» (ՀԶ, Բ):

Մանրամասնորեն նկարագրելով Տիրոջ կրած տառապանքները՝ Նարեկացին վերադառնում է իր խոսքի սկիզբին. «Թող իզուր չանցնեն ինձ համար մարդացած Աստծու փրկարար չարչարանքները» (ՀԸ, Բ): Նա, ով միմիայն իր մեղքերից էր խոսում, հիմա ողորմություն է հայցում. «Ողորմիր հզոր, կրկին ողորմիր: <...> // Մի՛ գրիր ծանր մահացու մեղքերս կյանքի դպրության քո մատյանի մեջ, <...> // Մի՛ արձանագրիր մեղություններս, <...> // Եթե ամբարես չար գործերս անթիվ, կնեռնեմ ողջ-ողջ» (ՀԸ, Գ): Տանջանքների սաստկության թեթևացում է աղերսում՝ գիտակցելով իր մեղքերի չափն ու «կենարար զղջման» անհրաժեշտությունը:

Այնուհետև նա մույն ձևով դիմում է Սուրբ Աստվածածնին՝ խնդրելով օգնություն. «Որ երբ դուրս ելնեմ այս երկրի հովտից, առանց տանջալից չարչարանքների գնամ դեպի կյանք....» (Զ, Բ): Այնուհետև դիմում է Իրեշտակներին, որոնք իր համար «գոչում են անլուռ // Հանապազօրյա բարեխոսությանը» (ՀԱ, ա):

Խոսքը շարունակում է Բարձրյալին ուղղված մույն ողբածայն հառաչներով և խնդրում. «Չսաստկացնես ինձ խայթողներին, այլ ուղղի՛ր նրանց» և ապա. «Կանգնեցրո՛ւ դու ինձ, որ բազմավտանգ հիվանդությունից մահվան ափն եմ հասել» (ԶԳ, Բ): Նարեկացին իր խոսքն ավարտում է այնպես, ինչպես սկսել էր. մույն ուղեծրը Տիրոջը. «Աստված իմ և թագավոր իմ, կյանք իմ և ապավեն իմ, // Հույս իմ և վստահություն իմ, // Տեր Զիսուս Քրիստոս, // Աստված բոլորի, // Սուրբերի սրտում հանգչող սուրբ դու....» (ԴԴ, ա) և մույն պաղատանքը «խոստովանյալ կյանքին». «Եղվելուս բազմավրեպ և սխալներով լի այս շարադրանքի // Պակասները դու լրացրու խոսքով քո ամենագոր // Եվ այն մատուցիր որպես հաճելի աղերս բարձրյալ Զորդ» (ԴԵ, ա): Քրիստոսը նրա համար դառնում է իր ցավերի ու տանջանքների կենդանի խորհրդանիշ. «Դու ինձ համար անեծքների փորձության ենթարկվեցիր՝ // Կերպարանքովդ նմանվելով ինձ....» (ԴԶ, ա):

Նարեկացին իր այս կերպարով նմանվում է Քրիստոսին, իսկ իր այս «Մատյան....»-ով գրում է հայոց Ավետարանը, Ավետարան՝ ըստ Նարեկացու, կամ պարզապես՝ Նարեկ...

Գանձասարի վանքը

Գանձասար անունն առաջացել է նույն այն լեռնաբազկի անունից, որի վրա գտնվում է: Վանական համալիրը տեղակայված է Խաչենագետի հովտում՝ Արցախի Մարտակերտի շրջանի Վանք գյուղից արևմուտք: Վանքի եկեղեցին կառուցվել է 1216–1238 թթ. ընթացքում, իսկ նավակառուցը (հանդիսավոր օծումը)՝ 1240 թ.: Ավելի ուշ՝ 1261–1266 թթ., Յասան-Ջալալ Դուլա իշխանը, իշխանուհի Մամբանը և նրանց որդի Աթաբակն ավարտին են հասցրել գավթի կառուցման աշխատանքները: Ժամանակակից պատմիչները հիացնում են պատմում եկեղեցու կառուցման և նրա օծման արարողության մասին: XIII դ. պատմագիր Կ. Գանձակեցին հաղորդում է, որ Խաչենի իշխան Յասան-Ջալալը «Շինեաց եկեղեցի մի գեղեցկազարդ յօրինուածով զմբեթարդ երկնաման տաճար ի փառացն Աստուծոյ...., որ կոչի Գանձասար, հանդէպ Խօխանաբերդոյ, ի տեղի շիրմի իրեանց և յոլով ամս աշխատ եղեն ի մնա»: Վանքի կառուցմանն ակնատես պատմիչի «....ի տեղի շիրմի իրեանց» արտահայտությունը հաստատում է, որ հուշարձանը չի կառուցվել դատարկ տեղում, այլ մի վայրում, որտեղ շատ ավելի վաղ եկեղեցի է եղել: Այդ մասին է վկայում մասնավորապես Անանիա Մոկացի կաթողիկոսի (946–968 թթ.) «Յաղագս ապստամբութեան տանն Աղուանից» աշխատության մեջ տեղ գտած հաղորդումը, համաձայն որի՝ 949 թ. լուսավորչական-քաղկեդոնական վեճերը հարթելու համար ինքը՝ Անանիա կաթողիկոսը, նշանավոր իշխանների և հոգևորականների մասնակցությամբ Խաչենի Արդախ վայրում հրավիրում է ժողով, որին ի թիվս այլոց մասնակցում էր նաև «Յայր Սարգիս Գանձասարոյ վանականը»: Վերջինիս մասին հիշատակում է նաև պատմագիր Ստ. Օրբելյանը: Բացի այդ՝ վանքի բակում գտնվող մի շարք ավելի վաղ կերտված ու թվակիր արձանագրություններ պարունակող խաչքարերը, որ կանգնեցրել են Յասան Մեծը և Վախթանգ-Տանգիկը, նույնպես հաստատում են ներկայիս վանքի տեղում նախկինում գոյություն ունեցած հոգևոր կառույցի առկայության մասին:

Այսպիսով՝ ըստ էության՝ նախկին եկեղեցին չի ունեցել ճարտարապետական այնպիսի արժանիքներ, որոնք արտահայտեին Խաչենի իշխանության փառքն ու հզորությունը, և դա հավանաբար նկատի ունենալով Յասան-Ջալալն ու նրա մերձավորները որոշեցին կառուցել նոր, ավելի վեհաշուք այդ տաճարը:

Յայ ճարտարապետության պատմության երախտավոր Ա. Յակոբսոնի կարծիքով՝ Գանձասարի վանքը ոչ միայն «իմքնատիպ է ու իր կատարելության մեջ իմքնուրույն, այլև բացառիկ է, մենք չենք կարող ցույց տալ ուրիշ մի այդպիսի հուշարձան Յայաստանի հողի վրա»: Իսկ Սորբոնի համալսարանի երբեմնի նշանավոր բյուզանդագետ Շառլ Դիլը համաշխարհային մշակութային համաձայնության հայկական հինգ հուշարձաններից երրորդը համարել է Գանձասարի վանքը՝ Աղթամարի և Յուփսիմեի տաճարներից հետո՝ չորրորդ և հինգերորդ տեղերը հատկացնելով Յաղթատի վանքին ու Անիի մայր տաճարին:

Ըստ Մխիթար Գոշի՝ Գանձասար

վանքը XII–XIII դդ. եղել է եպիսկոպոսանիստ և Խաչենի իշխանների տոհմական դամբարանը: XI–XII դդ. այստեղ հայտնի են եղել Սարգիս և Վարդան եպիսկոպոսները: Յետագա դարերում վանքի առաջնորդներն են եղել Գրիգոր Տաթևացու աշակերտ Մատթեոս վարդապետը, Դովհաննես, Եղիա, Ներսես վարդապետները, Դուկաս Լուսեցին, Ստեփանոս վարդապետ Շիրակունին և ուրիշներ: XIV դարում վանքը դարձել է Աղվանից կաթողիկոսության աթոռանիստը, որին ժառանգաբար տիրել են Յասան-Ջալալյանները: Այս տոհմի իշխանների հովանավորությամբ էլ հռչակավոր վանքը երկար դարեր եղել է ոչ միայն հոգևոր, այլև մշակութային հզոր կենտրոն: Սակայն Գանձասարի վանքը միայն ճարտարապետական, մշակութային անգերազանցելի ստեղծագործություն չէր, այլև ժամանակի պատմական անցքերի, քաղաքական ու դիվանագիտական խիզախ ձեռնարկումների վկան: Մասնավորապես, սկսած XVII դ. վերջերից, Արցախ աշխարհի այս նշանավոր վանքը դարձել է երկրամասի ազգային-ազատագրական պայքարի կարևոր կենտրոններից մեկը, ընդ որում՝ կաթողիկոս Եսայի Յասան-Ջալալյանն այդ պայքարի կամ շարժման կազմակերպիչն ու ղեկավարն էր, որի համագործակցությամբ Իսրայել Օրին առաջին քայլերն արեց Ռուսաստանի հետ բանակցություններ վարելու ուղղությամբ: Մինչ այդ՝ Պետրոս Խանձկեցու գահակալության տարիներին (1653–1675 թթ.), այստեղ է գրվել Ռուսաստանի կայսր Ալեքսեյ Միխայլովիչին ուղղված առաջին նամակը, որով արցախցիները Ռուսաստանի աջակցություն են հայցել Արևելքի բարբարոսներից ազատագրվելու համար: Վանքի խաղաղացած դերը ինչպես Յայոց արևելից կողմանց, այնպես էլ ամբողջ հայոց քաղաքական ու մշակութային կյանքում շարունակվել է մինչև Անդրկովկասի միացումը Ռուսաստանին: Այս շրջանից սկսած՝ վանքն աստիճանաբար զրկվել է իր հոգևոր բարձր ազդեցությունից, քանի որ 1815 թ. ցարական կառավարությունը վերացրել է Գանձասարի կաթողիկոսությունը՝ փոխարենը նրան արտոնելով մետրոպոլիտական իրավունք: Ավելի վատթար հարվածը եղավ այն, որ հետագայում էլ մետրոպոլիտությունը տեղափոխվեց Շուշի:

Գանձասարի վանքը բաղկացած է եկեղեցուց, գավթից և շրջակա այլևայլ շինություններից: *Եկեղեցուն* կառուցված է սրբատաշ տորոնագույն քարից: Կրում է Սբ. Դովհաննես Մկրտիչ անվանումը (չափերը՝ 12,3 × 17,7 մ): Այն ունի ներքուստ խաչաձև, արտաքուստ ուղղանկյուն զմբեթակիր հորինվածք, որի չորս անկյուններում զբաղեցնում են կրկնահարկ ավանդատները: Ընդ որում՝ դեպի վերին ավանդատներ են տանում կոնսոլ աստիճանները, որոնց ստորին հատվածներում քանդակված են խոշոր ստալակտիտներ: Կառույցի կենտրոնում վեր սլացող զմբեթատակ տարածության անկյուններն ընդգծված են ուղղահայաց կիսանկյունների խրճերով, որոնք շրջանակում են տաճարի կենտրոնական մասը: Գմբեթատակ առաջաստների մեջ տեղակայված են փորագրված զույգ խաչ, աստղ, շրջանակ, քառանկյուն

և այլ զարդաքանդակներ՝ լրացված նուրբ ու վարպետորեն փորագրված պարուրաձև ու արմավազարդ հյուսկեն կերտվածքներով: Դրանք ոչ միայն չեն կրկնվում, այլև ավելի են ընդգծում գեղանախշ սյուներն ու առաջաստները: Յուրաքանչյուր առաջաստից վերև՝ գոտու տակ, տեղադրված են բարձրադիր պատկերաքանդակներ: Արևմտակողմ առաջաստի վերնամասում տեղակայված քանդակը խոյի գլուխ է, արևելակողմ առաջաստների վրա՝ եզների գլուխներ, իսկ հյուսիսարևմտյան առաջաստի քանդակը նման է մարդկային դեմքի: Ըստ Ա. Յակոբսոնի՝ «...այս տիպի քանդակները.... հանդես էին գալիս որպես սուրբ կենդանիներ՝ ծառայելով ինչպես շենքի հենարաններ, և իմաստավորվում էին որպես կառույցի պահապաններ»:

Գմբեթի թմբուկը ներքուստ կլոր է՝ մշակված ութ զույգ կիսասյունով: Դարուստ են հատկապես բեմի ճակատային պատի զարդանախշերը: Դրանք բոլոր կողմերից երիզված են լայն ու խոր ելուստավոր գոտիներով: Շրջանակի մեջ առկա է ութ շեղանկյունի, որոնք կենտրոնում լուսաստվեր ստեղծելու համար թեթևակի խորացված են եռանկյունիներով:

Եկեղեցու արտաքին ծավալները հստակորեն կրկնում են շենքի ներքին հորինվածքը: Խաչաթևերն առանձնանում են բարձր ճակտոններով, իսկ անկյունային հատվածներն ավելի ցածրադիր են: Ճակատները մշակված են ոչ խոր եռանկյունի որմնախորշերով: Շենքը բարձրանում է հնգաստիճան պատվանդանի վրա:

Եկեղեցու ամեն մի պատ յուրովի է լուծված: Տաճարի հյուսիսային և հարավային ճակատները բաժանված են հնգական տափակ կամարներով, որոնց մանրամասները՝ հատկապես գեղազարդերը, խստորեն համապատասխանում են ճարտարապետական կառուցվածքին: Դարավային և հյուսիսային կամարները գեղանախշ կիսասյուններով շրջանակում են որմնախորշերը: Կենտրոնական մեծ կամարի վրա խոյանում է մեծադիր խաչը: Դարավային պատի այդ նույն կամարի տակ առկա է նեղ ու երկար լուսամուտ՝ եզերված նրբահյուս նախշերով, լուսամուտից վերև՝ բախտի անիվ խորհրդանշող զարդաքանդակը: Դյուսիսային պատը եզերված է այլ քանդակներով, իսկ խաչից վերև հավերժության խորհրդանշան է:

Արևելյան ճակատը նույնպես բաժանված է նույնատիպ, սակայն կիսաշրջանաձև կամարներով: Կենտրոնական կամարը քիչ բարձրադիր է և ունի նեղ լուսամուտ: Արևմտյան կողմում կառուցված գավթից ծածկել է խաչելության քանդակի հորինվածքը: Այն բաղկացած է լայնաթև խաչից և Քրիստոսի խաչված պատկերից:

Եկեղեցուն հմայք է տալիս զմբեթի բազմանիստ թմբուկը, որի վրայի չկրկնվող բարձրաքանդակներն ու վարդապանախշերը, կիսասյուների փնջերն ու հովհարաձև ծածկը զմբեթին տալիս են արտակարգ գրավիչ տեսք:

Տաճարի անհայտ ճարտարապետը եզակի թմբուկ է կերտել: Այն բաժանված է 16 միստի, որոնց բարձրությունն ընդգծ-



Գանձասար՝ կորսվող դրախտավայր

Մի դրվագ Արցախ տանող ճանապարհներից

1988 թվականի գարնան առաջին օրերն էին: Ձմեռն արդեն հետ էր տարել իր ճերմակ փեշերը, ու գարունը ամոթխած աղքատեղ տեղ-տեղ մնացած մի քանի ափ ճերմակով անուշ մերկություն էր փորձում թաքցնել: Արցախում ենք: Վազգեն Սարգսյանի հետ տեղացիներից մեկի կարմիր «Ջապարոժեցով» գնում ենք Գանձասար: Ճանապարհին ձմռան մրիկից արթնացած բնության տեսարանները չեն վրիպում Վազգենի աչքից: Առաջին անգամ է Արցախում: Յասանք Վանք գյուղի սահմանին: Վազգենը հանկարծ ոչ այն է խնդրեց, ոչ այն է հրամայեց վարորդին կանգնել ցուցանակի մոտ: Կանգնեցին: Ցուցանակին մեծ-մեծ տառերով հայերեն ու ռուսերեն գրված էր՝ «ՎԱՆՔԼՈՒ»: Վազգենը վարորդից սուր, քերող մի գործիք վերցրեց ու քերեց, մաքրեց, ջնջեց Վանքին տոնձված «լու»-երը, հետո գոհ, իրեն հատուկ հոմերական ծիծաղով ասաց. «Դեհ, գնացինք»:

Յասանք Գանձասար: Եկեղեցին ու տարածքը գիշեր-ցերեկ իսկող ջահելները, տեսնելով կարմիր «Ջապարոժեցը», իսկույն շրջապատեցին այն: Այդ օրերին Յայաստանից Արցախ գնացած ամեն մարդ հույս ու հավատ էր ամրացնում: Մինչև հիմա էլ հիշում են Գանձասարի երդվյալ պահապանների առնական դեմքերը, վառվռում աչքերի փայլը: Այդ օրը Վազգենը նրանց համար «Գարուն» ամսագրի աշխատակից էր լուկ, որ գործուղմամբ Արցախ էր հասել...

Օրն արդեն իրիկմանում էր: Գիշերը Շահմասուր գյուղում մնացին: Դյուսիսային կողմից չեղած գիշեր էր... Առավոտյան կարմիր «Ջապարոժեցով» վերադառնում էինք Ստեփանակերտ: Վազգենը խնդրեց Վանք գյուղի ցուցանակի մոտով անցնել: Արցախում գարունը հայերեն էր գալիս... Երանգ էր...

Զգիտեմ...

Սպարտակ ԴԱՐԱԲԱՂՅԱՆ
գրող, հրապարակախոս

ված է նաև զարդաքանդակների միջոցով: Նիստերից յուրաքանչյուրը քանդակագործության առանձին գլուխգործոց է: Նրանք շքեղ են՝ մեկը մյուսին գերազանցող նախշերով ու քանդակներով: Յուրաքանչյուր միստի կողմերը շեշտված են բարձրադիր կիսասյուններով, որոնք ավարտվում են քանդակազարդ խոյակներով: Նիստերից ութի վրա մեկընդմեջ կան եռանկյունի խորշեր, որոնց խորքում քանդակով պսակված կիսասյուներ են: Մյուս միստերը հարթ են, նրանցից չորսը զբաղեցնում են նեղ լուսամուտները, լայն շրջակալներով՝ ծածկված բարդ ու շատ նուրբ փորագրությամբ, իսկ շրջակալի վերևում կա վարդակ: Մյուս չորս միստերն ունեն փոքր, կլոր լուսամուտներ՝ նույնպես լայն ու խոր բնույթի շրջանակով: Դրանք բոլորն էլ պատված են ժանեկանման փորագրություններով: Նիստերից մեկը զուրկ է լուսամուտից, որին փոխարինում է ժանեկահյուս վարդակի զարդաքանդակը:

Թմբուկի արևմտյան միստերում տիրական են երկու կտիտորների քանդակները, որոնց դիմապատկերները միմյանց նման են: Նրանք վեր բարձրացրած ձեռքերով բռնել են եկեղեցու մանրակերտը՝ տախտակի վրա: Դետադուտողների կարծիքով՝ դրանք տաճարի կառուցման պատվիրատուներ Յասան-Ջալալ Դուլայի և նրա որդի Աթաբեկի բարձրաքանդակներն են: Մեկ

այլ միստի ճակտոնապատի տակ Քրիստոսի բարձրաքանդակն է, իսկ լուսամուտի շրջակալի վրա՝ Ադամի և Եվայի պատկերաքանդակները՝ համապատասխան գրություններով: Դարավային երեք միստերի որմնախորշերում քանդակված են հանդիպակաց ծնկաչոք պատկերներ՝ գլխներին լուսապսակներ: Մի այլ տեղ ցլի գլուխ է, երրորդում Աստվածամայրն է՝ Մանկան հետ, չորրորդում պատկերված է արծվի գլուխ և այլն: Այստեղ հանձնարեղ ճարտարապետն աստղերից, ծաղիկներից և ժանեկազարդ շղթաներից հյուսել է նրբակերտ նախշեր:

Ուշագրավ հուշարձան է *գավթի*, որն իր ճարտարապետական հորինվածքով ավելի է ամբողջացնում վանքի կոթողայնությունը: Այն ներքուստ դալիժն է (չափերը՝ 11,6 × 11,8)՝ ծածկված երկու զույգ հատվող կամարով և շթաքարային երդիկով: Գավթի արևմտյան պատից քիչ հեռու՝ երկու անկյուններում, պատին կից կանգնած է բազմանիստ երկու որմնասյուն, որոնց վրա հենվում են բարձրաթռիչք կամարները: Գավթից եկեղեցի տանող մուտքը երիզված է կիսակլոր կամար ունեցող ճակատամուտքով, որի երեսկալը մշակված է մանր հյուսվածքով, իսկ քանդակազարդ կամարը՝ աստղերով և շեղանկյուններով: Արևմտյան կամարների ծայրերի միջև տեղադրված է լայն, քանդակազարդ խաչը:

→ էջ 8

Խրիմյան Հայրիկի մշտնջենականությունը

← էջ 3

«Զարթիր, որդեակ, զարթիր հայ գեղջուկ, զարթիր հայ երիտասարդ... Բաւ է քնացանք: Արթնալու ժամը հասաւ: Մենք ուշ ենք արդէն: Սերպը, յոյնը, պուլկարը, մակեդոնացին եւ մնացեալ ճնշուած ազգերը իրենց երկաթէ զենքով առին իրենց բաժինը: Մենք անգէն, միայն թուղթով գացինք: Մեզի բաժին ալ թուղթի կտոր մը տուին ստախօս եւրոպացի դիւանագետները: Ձենքի դիմելու ժամը հասած է...»:

Լիմելով խորագետ ու վեհանձն՝ Վեհափառը հորդորում էր ժողովրդին միաբանվել՝ ընդդէմ կործանարար թշնամյաց, որովհետև անմիաբանությունը չարիք ու դժբախտություն է բերում իր պաշտելի երկրին, և միասնությունն է, որ կարող է դառնալ փրկության վերջին դուռը: «Ներքին անհամերաշխությունը ավելի շատ է հայրենիքը կորստյան մատնում, քան եկած թշնամին»,— ասում է Հայրիկը և հայերին կոչ անում, որ «խսպառ թոթափեն սրտերից ատելութիւնը, մեծամտութիւնը եւ լիներ ընդմիջտ մի սիրտ եւ մի հոգի»:

Հայրիկը նաև ընկերային արդարության ջատագովն էր, նրա սիրտը ցավում էր թշվառության մեջ խարխափող ժողովրդի համար, ընդվզում էր ազգային վշտերին անկարելից, անտարբեր իշխանավորների ու մեծահարուստների դէմ՝ խորհելով: «Միթէ կարելի է մերձավորից խլած հացով կշտանալ: Ոչ, գողացված և ուժի զորությամբ ձեռք բերած հացը շուտ է վերջանում: Անհատների և արդար է այն հացը, որ ձեռք է բերվում ճակատի քրտինքով: Ով այս սկզբունքը ունենալով տալով է հաց ուտում, նա քանդում է Աստծու պատվիրանը»: Հայրիկը

գտնում էր, որ «Նա է իսկական ազնիվ անձ, որ դեպի ժողովուրդը ունեցած սիրտ մեջ է փնտրում յուր փառքը»:

Հայ ազգային պատմության մեջ Մկրտիչ Խրիմյանը հայտնի է նաև Տարոնի առաջնորդը, արծիվ Վասպուրականի պատվամունձներով:

1855 թ. Խրիմյանը Վանում ձեռնարկեց «Արծուի Վասպուրականի» (իետագայում՝ «Արծուիկ Տարոնոյ») ամսաթերթը, որը հայության համար նորոյթ էր թէ իր բովանդակությամբ, թէ հայ ազգային ոգու արտահայտությամբ: Թե՛ Վարագա և թէ՛ Ս. Կարապետ վանքերի վանահայրության ժամանակաշրջանում Խրիմյանը բազմաթիվ դպրոցներ բացեց, եկեղեցիներ կառուցեց և գրքեր հրատարակեց: «Լոյս, գիտութիւն տարածելը հայկական խաւարի մէջ,— հիշում է Սիմոն Զավարյանը,— դպրոց բանալը, մամուլ, գրականութիւն ստեղծելը եղել է նրա ամենասիրած եւ ամենաառաջին գործը»:

Ազգանվեր գործունեության համար թուրքական կառավարությունը Խրիմյանին հայտարարեց անբարեփոխ հողկորակամ փակելով հայկական դպրոց ու տպարան: 1869 թ. ընտրվելով Կոստանդնուպոլսի հայոց պատրիարք՝ Խրիմյանը նախաձեռնեց զավառահայության հարստահարությունը քննող հանձնաժողով, որի կազմած տեղեկագիրը Պոլսի ազգային ժողովը 1872 թ. ներկայացրեց Բարձր դռանը: Այդ գործունեությունը, սակայն, հարուցեց թուրքական կառավարության և Կոստանդնուպոլսի հայ մեծահարուստների դժգոհությունը, որի պատճառով 1873 թ. օգոստոսին Խրիմյանը հրաժարվեց պատրիարքությունից:

Խրիմյան Հայրիկի անցած ուղու

մեջ կարևոր դրվագ է Բեռլինի վեհաժողովը, որի շրջանակում Արևմտյան Հայաստանի հարցը միջազգային դիվանագիտության մեջ մտավ որպէս Հայկական հարց:

Բեռլինի դաշնագրությունում Սան-Ստեֆանոյի պայմանագրի 16-րդ հոդվածը փոխարինվեց 61-րդ հոդվածով, որտեղ ասված էր հետևյալը. «Բարձր Դուռը համձն է առնում հայաբնակ վայրերում անհապաղ իրագործել տեղական պահանջներից բխող բարեփոխումներ և ապահովել հայերի անվտանգությունը քրդերից ու չերքեզներից: Այդ նպատակով ձեռնարկված միջոցառումների մասին նա պարտավոր է պարբերաբար հաղորդել պետություններին, որոնք պետք է հսկեն դրանց գործադրությունը»: Հոդվածի իրագործման վերահսկողությունը դրվում էր վեհաժողովի մասնակից բոլոր պետությունների վրա, ինչը վերջիններիս հնարավորություն էր ընձեռում միջամտելու Թուրքիայի ներքին գործերին: Վեհաժողովը միաժամանակ պարտավորեցնում էր Ռուսաստանին իր գործերն անհապաղ դուրս բերել գրավված տարածքներից, սակայն ոչ մի երաշխիք չէր տալիս 61-րդ հոդվածի կենսագործման համար: Բացի այդ՝ «Հայաստան» բառը փոխարինվում էր «Հայկական մարզեր» և «Հայաբնակ վայրեր» բառակապակցություններով: Այսինքն՝ Թուրքիան ազատվում էր Հայաստանը հայերի հայրենիք ընդունելու Սան-Ստեֆանոյի դաշնագրի ձևակերպումից:

Որպես Բեռլինի վեհաժողովի հայկական պատվիրակության առաջնորդ՝ Խրիմյան Հայրիկը նախապես մեկնել էր եվրոպական մեծ տերություններ՝ Գերմանիա,

Անգլիա, Ֆրանսիա, Իտալիա, պետական պաշտոնյաների հետ համդիպելով՝ փորձել ձեռք բերել նրանց բարյացակամությունը Հայկական հարցի լուծման համար: Սակայն Բեռլինում Խրիմյան Հայրիկին ու նրա հետ մեկնած հայ պատգամավորներին նույնիսկ չթույլատրեցին ժողովասրահից ներս մտնել, և նրանք հնարավորություն չունեցան օսմանյան լծի տակ տառապող հայության արդար պահանջները ներկայացնելու, մինչդեռ սերբերն ու բուլղարները փառահեղ ելույթ ունեցան և ընդունելություն վայելեցին, որովհետև նրանք քաջաբար պայքարել ու դիմադրել էին թուրքական բռնաճնշումների դեմ: Մերժված ու արհամարհված, հուսահատ ու տխուր՝ Հայրիկը վերադարձավ հայրենիք, Կոստանդնուպոլսի Գում Գափուի հայկական թաղի տաճարում կարդաց իր շատ հայտնի ԵՐԿԱԹԵ ՇԵՐԵՓԻ գեկույցը և ժողովորդին կոչ արեց պատրաստվել ազատագրական պայքարի:

1879-ին Վասպուրականի հոգևոր առաջնորդ ընտրվելը մեծ հնարավորություն էր Խրիմյանի համար՝ ազգային-ազատագրական պայքարի առաջին հունդերը հերկելու: Նա օժանդակեց, որ ստեղծվեն Վանի «Սև հաչ» և Կարինի «Պաշտպան հայրենյաց» գաղտնի կազմակերպությունները, խրախուսեց նրանց գործունեությունը: Նրա ճիգերով 1885 թ. մայիսին Վանում հիմնադրվեց առաջին հայ քաղաքական՝ Արմենական կուսակցությունը: Արմենականները ազգային գաղափարաբանությամբ զինեցին Վասպուրականի և Պարսկահայքի հարյուրավոր հայ երիտասարդների՝ պատրաստելով նրանց հարմար պահի ինքնապաշտպանություն դիմելու:

Օսմանյան բռնապետության կողմից անցկատ չմնացին Խրիմյանի համաժողովրդական համբավն ու ազգային հանդուգն ու կորովի գործունեությունը, և 1885 թ. նրան հրավիրեցին Կոստանդնուպոլիս, իսկ 1890-ին՝ Գում Գափուի ցույցից հետո, աքսորեցին երուսաղեմ: 1892 թվականին, երբ Մկրտիչ Խրիմյանը ընտրվեց Ամենայն Հայոց կաթողիկոս, Օսմանյան կառավարությունը տասներեք ամիս տևած բանակցություններից հետո միայն Ռուսաստանի ցարի միջնորդությամբ նրան թույլատրեց գալ Սուրբ Էջմիածին:

Օծվելով Հայոց 125-րդ Կաթողիկոս՝ Մկրտիչ Խրիմյանը մեծ ճիգեր գործադրեց ռուսական արքունիքի մեջ՝ Հայկական հարցը միշտ օրակարգում դնելու համար: 1895 թ. մեկնեց Սանկտ Պետերբուրգ, ներկայացավ Նիկոլայ II ցարին՝ Արևմտյան Հայաստանում խոստացված բարենորոգումների իրականացման խնդրագրով: 1894—1896 թթ. արևմտահայության ջարդերի ժամանակ արեց առավելագույնը՝ նյութապես օգնելու գաղթականությանը և պայմաններ ստեղծելու երկիր վերադարձի համար:

Խրիմյան Կաթողիկոսի օրոք էր, որ Ռուսաստանի ցարը երկրի մեջ սկսված հեղափոխական շարժումները խեղդելու համար հրապարակեց օրենք, որով կրթությունը պիտի կենտրոնացվեր ռուսական վարժարանների մեջ, հայկական վարժարանները պետք է փակվեին, հայ եկեղեցապատկան կալվածքները՝ բռնագրավվեին: Խրիմյանը բողոքեց և եռանդուն պայքար մղեց այդ որոշման դեմ՝ հոգևոր թեմակալ առաջնորդներին կարգադրելով չենթարկվել դրան: ➔ էջ 8

ԱՆՑԵԱԼԷՆ ՆԱՍԱԿ ՄԸ

Այդպէս՝ ապագայում, յուսած արդէն անկախ պետութիւն ունէ՞ր եւ իրազրօծել է՞ր մեր դարաւոր երազանքը: Եթէ այո՛, ապա դուք հիմա ապրում է՞ք ինչ-որ մէկի իրազրօծուած երազանքի մէջ: Մի-լիոնների երազանքի մէջ: Յուսած զփրակցում է՞ր ձեզ բաժին հասած բարիքի զօրութիւնը: Կ'ուզենայի հմանալ՝ ինչպիսին է այդ երազանքն իրականում, բայց բանի որ չեմ կարող աջոյն փոխել, թոյլ փուէք խօսքս յոյն այս նամակով, եւ եթէ կարգաւ այս փոքրիկ, եւ կը դառնամ ձեր ներկայի եւ իմ ապագայի մի մասնիկը:

Երբ գնացի Պէրլինի բռնկւէն՝ մեր ժողովրդի իրաւունքները բարձրանայնելու համայն աշխարհով, միայն այդժամ հասկացայ, որ նախ եւ առաջ պէտք է ունենալ իրաւունք ունենալու իրաւունք: Այդ իրաւունքը նուաճուեմ եմ պէտքով:

Երեւի լսել էք երկաթէ շերտիի մասին: Եւրոպական քաղաքակիրթ ազգերը, որոնք մեզ թուեմ էին օրինաւարք եւ արդար, խղճահարութիւնից բացի ոչինչ մեզ չտուեցին: Ռուսաստանը, որ թուեմ էր՝

մեր ժողովրդի մեծ բարեկամն է, իր շահերից բացի ոչինչ չէր փնտնում եւ չէր լսում:

Հայ ժողովուրդը կարծես ձմռան սառնամանիքին դրսում յայտնուած անօթի երեխայ լինէր, որի առջև բոլոր փակեցին իրենց փան դռները: Հայ ժողովուրդը անտէր էր, բայց ամենից կարեւորը, որ եւ հասկացայ՝ այն էր, որ մենք փրէրէր չպէտք է փնտրեմք դրսում:

Այդպէս՝ ապագայում, վստահ եմ՝ դուք չէք փնտրում օրար փրէրէր եւ ձեր յոյսը չէք կապում ոչ եւրոպացիների, ոչ ռուսների եւ ոչ էլ մէկ այլ պետութեան հետ:

Եթէ ունէք անկախ պետութիւն, ապա ձեր միակ փրէր պէտք է լինի ձեր իսկ կառավարութիւնը: Յուսած որ կառավարութիւնը ձեզ անտէր չի թողնում, իսկ եթէ անտէր է թողնում ի՞նչ իմաստ ունի ձեր անկախութիւնը:

Ժողովրդի ամենամեծ դժբախտութիւնն այն է, որ իր միջից դուրս եկած ղեկավարներն իր հետ վարւում են նոյնկերպ, ինչպէս օրարները: Մենք դարեւ շարու-

նակ ապրեցինք օրարի լծի տակ. մեզ հետ վարուեցին դաժանօրէն եւ անարդար: Մենք փնտրեցինք արդարութիւն եւ չգտանք:

Եթէ ունէք անկախ պետութիւն, յուսով եմ՝ այդպէս արդարութիւն կայ:

Թուրքը հայի հետ շար անարդար վարուեց: Հայը հայի հետ մի՞թէ կարող է նոյնկերպ վարուել:

Այդպէս՝ անցելու, մեր ժողովրդի ամենամեծ ողբերգութիւններից մէկն իր փոքրութիւնն է: Անկիրթ ժողովուրդն ինչպէ՛ս կարող է իր փրէր զրնել այս խորամանկ աշխարհում: Թուրքիոյ իշխանութիւնները դա թոյլ չեն տալիս. բանից մեր ժողովրդի կրթութեան մէջ իրենց փրանքն են փնտնում.

Որքան մեծ է ժողովրդի կրթութիւնը, այնքան ցուսկ կը լինի իշխանութիւնը.

Եւ իմ ողջ կենսքը նուիրեցի հայկական զանառներում լուսաւորութիւն փրանքելուն, բայց միայնակ շար բան չկարողացայ անել: Եթէ դուք պետութիւն ունէք, կրթե՛ք մեր ժողովրդին, լուսաւորե՛ք:

րութիւն փրանքե՛ք զանառներում: Անկիրթ ժողովուրդն անկիրթ փրէրէրի կ'ընտրի, որոնք կը հարստահարեն իրեն եւ մի օր սփրպուած՝ անկիրթ ժողովուրդն օրար փրէրէրի կ'ընտրի:

Այնժամ, երբ հասարակ ժողովուրդը զանառներում կը փրէր կայութեան ծանր բեռի տակ, մեծահարուստ հայերը Պոլսոյ կ'ապրեն ցոյի խրախմանքի մէջ: Նրանք անփարբէր են ժողովրդի դրութեան՝ կարծես օրար լինեն: Թուրքիոյ իշխանութիւնները նրանց հետ նոյնիսկ կը դաշնակցեն, որ ժողովրդին հնազանդ պահեն: Յուսած ձեր պետութեան մէջ մեծ ծախարուստներն այդպէս ամբարտաւան չեն եւ չեն դաշնակցի վստ իշխանութեան հետ՝ ընդդէմ ժողովրդի:

1876-ին, երբ օսմանեան սահմանադրութիւնն ընդունուեց, մեզանում փրկութեան յոյս արթնացաւ: Կարծեցինք, որ հինգ հարիւր փրանքան Թուրքիոյ պառաւած եւ ամուլ մայրը երկնելով, հին աշխարհի համար նոր՝ մանուկ սահմանադրութիւն կը ծնէր, բայց

մեր յոյսերը չարդարացան, եւ ժամանակ ցոյց տուեց, որ դրանք թղթին գրուած գեղեցիկ փրանք էին, իսկ ժողովուրդը շարունակեց փրառապել:

Այդպէս՝ ապագայում, զույց դուք էլ գեղեցիկ սահմանադրութիւն եւ օրէնքներ ունէք: Եւ կը փափաքեմ, որ ձեր օրէնքները թղթի վրայ չեն մնում, ինչպէս օսմանեան սահմանադրութիւնը:

Եւ վերջում կ'ուզենամ պարգածել. ունեցե՛ք այնպիսի դեպքաններ, որոնք պարշաձօրեն կը բարձրանայնեն ժողովրդի պահանջները համայն աշխարհին, եւ հոգևորականն իր հօրը թողած չի զբաղուի դիւանագիտութեամբ:

Ունեցե՛ք ղեկավարներ, որոնք կը սիրեն ժողովրդին, պի հայ ժողովուրդը շար է փրառապել օրար ղեկավարների արեւութիւնից: Եւ երբեք մի՛ փնտրեք օրար փրէրէրի:

Եւ եթէ այդպէս՝ ապագայում, անկախ պետութիւն ունէք, ամեն բան արե՛ք, որ այլևս երբեք, երբեք չկրկնուէք ձեր անկախութիւնը:

ԽՐԻՄԵԱՆ ԴԱՅՐԻԿ



Գանձասարի վանքը

← էջ 6

Մուտքի վերնամասով ձգվող կամարի տակ գտնվող հարթությունը զարդարված է շախմատաձև վարդյակներով և շղթայաման հյուսվածքով: Ա. Յակոբսոնի կարծիքով՝ «հորինվածքով խիզախ, կառուցվածքով իմաստուն» գավիթը «Հայաստանից դուրս ոչ մի տեղ չի կիրառված»: Այն եղել է Հասան-Ջալալյան տոհմի տապանատունը:

Այդ պատճառով էլ այլուները պատերի տակ մոլորել են և կենսական պահանջ, որին համապատասխանել է ճարտարապետական նոր լուծումը: Գավթի մեջ՝ արևելյան կողմում, հանգչում են Հասան-Ջալալյան տոհմի նշանավոր մեծերը՝ Հասան-Ջալալ Բարեպաշտից ու հոգևոր հայրապետներից մինչև Բաղդասար մետրոպոլիտը: Նրանց միակտոր ու հարթ շիրմաքարերը ևս արցախյան աշխարհի քարոքող վարպետների արարիչ ձեռքով դարձել են արվեստի հուսկապ մոմաներ:

Գավթի արտաքուստ պարզ է, այն ավարտվում է բարձր երդիկով, որը կենտրոնում պսակված է ութանիստ ռոտոնդայով: Յյուսիսային կողմի մուտքի վերին անկյուններում հովազի երկու բարձրաքանդակ կա: Հարավային ճակատի հարավարևմտյան կողմում կտր լուսամուտը շրջանակված է քառաթև զարդաքանդակով:

Գավթի հարդարանքի ամենակարևոր տարրն արևմտյան շքամուտքի երեսակալն է: Այն որոշ չափով դուրս է պատի

հարթությունից և անմիջապես աչքի է զարնվում: Պատի եռաստիճան պատվանդանից բարձրացող զանգվածային կիսազլանը շրջանցում է դուռը՝ կազմելով նրա բարձրաքանդակ երեսակալը: Վերջինիս կենտրոնական մակերեսն ընդհատվում է կլոր ու իրար հաջորդող քառանկյունի միստով՝ հարդարված հյուսածո զարդաքանդակով: Վերին աստիճանի մուրք, բայց երբեք չկրկնվող այս՝ համարյա ոսկերչական աշխատանքն ավելի կատարյալ են դարձնում դռան մյուս երեսակալի փորագրությունները:

Գանձասարի քարաշեն պարիսպներից մերս՝ եկեղեցու հյուսիսային թևում է գտնվում միաբանության շենքը՝ ութ փոքր և երկու մեծ սենյակներով: Մեկ ուրիշ՝ ավելի մեծ երկհարկանի շենք էլ տեղակայված է արևելյան կողմում: Անցյալում այն ծառայել է որպես դպրոց, ապա՝ վանատուն: Վանքի պարիսպների համակարգում հետաքրքիր հուշարձան է գլխավոր մուտքը՝ հարավային դարպասը, որը կերտված է սրբատաշ քարով, ճարտարապետական ինքնատիպ լուծումներով: Հարկ է մշել նաև, որ 2006 թ. պարիսպներից դուրս՝ հյուսիսային կողմում, կառուցվել է հոգևոր ճեմարանի շենքը:

Վանքի պատերին առկա են բազմաթիվ արձանագրություններ, որոնց գերակշիռ մասը գրված է վարպետ գրիչների ձեռքով, իսկ վերջերս վանքի շրջապարսպից դուրս՝ հարավային կողմում, մեր կողմից հողաձանկոյթից պատահ

հակառուցել ի հայտ է բերվել Հովասափ միակյացի՝ խորհրդային ժամանակներում բարբարոսաբար ջարդված խաչքարի ներքնամասը, անձ, որը 1240 թ. վանքում հեղինակել և փորագրել է Հասան-Ջալալ Դուլայի մեծ արձանագրությունը: Նկատելի հատվածում կարդում ենք. «...եւ յառաջնորդութեան՝ Տր Վարդանա եւ Յովասափ միակեաց կանգնեցի զխաչս ի փրկութի հոգո իմո որք երկրպագ յաղ[աթս] իի[շեցեց]»:

Նշենք նաև, որ Գանձասարի վանքի շրջակայքում կան մի շարք ուշագրավ հուշարձաններ՝ եկեղեցիներ, մատուռներ, բնակատեղիներ, խաչքարեր, որոնց մի զգալի մասն արձանագիր է և կարևոր տեղեկություններ է հաղորդում տարածաշրջանի պատմական անցողիկների մասին: Այստեղ են գտնվում նաև նշանավոր հոյաքանդակները՝ ամրոցը, Հասան-Ջալալ իշխանի աթոռանիստ պալատը, որ կրում է «Դարպասներ» անունը, Ստեփանոս և Հավապտուկ վանքերը և այլն:

Գանձասարի վանքը եղել է նաև Արցախ երկրամասի գրչության արվեստի նշանավոր ու խոշոր կենտրոններից մեկը: Վանքը մեխանիզմում ուներ իր մատենադարանն ու ձեռագրերի հարուստ հավաքածուն, որտեղ գրվել, ծաղկազարդվել, պահպանվել են արժեքավոր բազմաթիվ ձեռագրեր: Վանքից ներկայումս հայտնի են տասներեք ձեռագիր մատյաններ, որոնք XIII–XVIII դդ. ընդօրինակություններ են: Գրչագրերից

մեկը ներկայումս պահպանվում է Երուսաղեմի Սբ. Հակոբյանց վանքի գրատանը, իսկ տասներկուսը՝ Մաշտոցի անվան Մատենադարանում: Վաղեմությանը ամենահին մատյանը Թորոս գրչի ընդօրինակած Ավետարանն է (ՄՄ, ձեռ. թիվ 378): Մատյանը մագաղաթյա է՝ գրված բոլորագիծ երկաթագրով, գրությունը՝ երկայուն, ունի 311 թերթ, տողերի քանակը՝ 17, դրոշմագարդ շագանակագույն կաշվե կազմով: Այն իշխանական պատվեր է, գրվել է հոյաքանդակի իշխան Վախթանգ Տանգիկի և նրա կնոջ՝ Խորիշահի պատվերով 1212–1214 թթ. ընթացքում, որոնք այդ մասին թողել են հիշատակարան: Ի պատիվ պատվիրատուի՝ մատյանը հայտնի է նաև Վախթանգ-Տանգիկի Ավետարան անունով:

Գանձասարի վանքից հայտնի երկրորդ գրիչը վանքի առաջնորդ Մատթեոս Մոնոզոմն է, որը 1417 թ. Մանուել քահանայի համար տաղերի և ներբողների մի ժողովածու է օրինակել. «...գծագրութեան սորա եղև ի սուրբ ուխտս Գանձասարայ՝ յերկիրս Արցախական, որ այժմ կոչի Խաչեն՝ ընդ հովանեալ սուրբ մշխարացս Յովհաննու Կարապետին» (ՄՄ, ձեռ. 8689, թերթ 89 աբ): 1420 թ. տեղ Մարգիսը Գանձասարի վանքում «ի հալալ արդեանց» խնդրել ու ստացել է Գրիգոր Տաթևացու «Գիրք հարցմանցը», «զի սմա կան պատասխանիք ընդդեմ հերձուածողաց ու հեթանոսաց եւ կակնունմ ուղղափառաց եւ առաջնորդ ճշմարտութեան» (ձեռ. 4004, թերթ 452 բ): Այստեղ 1551 թ. Հայրապետ աբեղան «դառն եւ ի նեղ ժամանակս» Ղազար քահանայի պատվերով արտագրել է մի Ավետարան «ի յերկիրս յԱրցախ, որ է Խաչեն կոչի, ի տեղիս Մեծարանիս, որ է դուռն Գանձասարայ, որ գլովսն կա Սուրբ Յովհաննու Սկրտչին» (ձեռ. 6513, թերթ 280 բ): Երուսաղեմի Սբ. Հակոբյանց վանքի թիվ 2273 ձեռագիրը՝ գրված 1657 թ. Պետրոս կաթողիկոսի պատվերով, օրինակել է Գրիգոր Երեցը. «Գրեցաւ եւ աւարտեցաւ ոսկիազարդ եւ ծաղկափթիթ Տետրս... ի խնդրոյ երիցս երանելւ եւ երջանիկ հայրապետի եւ սրբազան կաթողիկոսի Տեառն տէր Պետրոսի վերադիտողի Սրբոյ թոռն Գանձասարայ»: Գանձասարի վանքում է պահվել մագաղաթյա Կարմիր Ավետարանը, որն այժմ գտնվում է Չիկագոյի համալսարանի մատենադարանում:

Սլավա ՍԱՐԳՍՅԱՆ
հուշարձանագետ, Փաստավավերագրական միջազգային ակադեմիայի պատվավոր դոկտոր

Աստվածաշունչ՝ գիրք գրող



ԱՂՕԹԵ ՕԳՆՈՒԹԵԱՆ

Այստեղից՝ աղմուս Դասթի

Մինչև ե՛րբ, Տէ՛ր, պիտի մոռանա ինձ իսպառ...

Մինչև ե՛րբ պիտի շրգեն երեսդ ինձնից:

Մինչև ե՛րբ խռովք ունենամ իմ հոգւո՜ւմ

եւ ամենօրեայ ցաւ՝ իմ սրբո՜ւմ:

Մինչև ե՛րբ թշնամի՜ն պիտի բռնանայ ինձ վրայ:

Նայի՛ր եւ լսի՛ր ինձ, Տէ՛ր իմ Աստուծո՜ւմ,

լո՛յս քու, Տէ՛ր, իմ աչքերի՜ն, որ երբեք մահուան բռն չմտնեն:

Թշնամիս թող չստի, թե՛ յաղթնից նրան,

կամ հալածիչներս ցնծան, եթե սասանուեն:

Եւ ողորմութեանդ վրայ յոյս դրի, Տէ՛ր,

պիտի հրճուեց քո փրկագործութեամբ.

կ'օրհնեղանք քեզ, Տէ՛ր, բարեբա՛րդ իմ:

ՏՕՆՔ ԵՒ ՅԻՇԱՏԱԿՈՒԹՅՈՒՆՔ

ՍԱՐՏ

† Տօն Սրբոյն Գրիգորի Լուսաւորչին մերոյ տոսկալի չարչարանացն եւ մտին ի Վիրապն — մարտի 16

† ԾԱՂԱԶԱՐԴ — մարտի 24

† Ս. ՅԱՐՈՒԹԻՒՆ ՏԵԱՌՆ ՄԵՐՈՅ ՅԻՍՈՒՄԻ ՔՐԻՍՏՈՍԻ (ՉԱՏԻԿ) — մարտի 31

Խրիմյան Հայրիկի մշտնջենականությունը


← էջ 3, 7

Ամհավասար պայքարում կաթողիկոսը, հիրավի, հաղթեց, և 1905-ի օգոստոսի 1-ին հրապարակվեց ցարի հրամանագիրը՝ Հայ Եկեղեցու գույքը վերադարձնելու և ազգային դպրոցները վերստին բացելու վերաբերյալ: Մկրտիչ Ա Վանեցին ձեռնամուխ եղավ նաև հայ հոգևորականության դաստիարակության խնդրին՝ վերապատրաստելով կրթված հոգևորականների մի նոր սերնդի: Նրա օրոք Էջմիածնում կառուցվեցին նոր հյուրանոց, Սինդոյի նոր շենք, թանգարան և նոր մատենադարան, նորոգվեցին և հարդարվեցին Սուրբ Հռիփսիմն և Սուրբ Գայանե եկեղեցիները:

Խրիմյան Հայրիկն իր ազգան-

վեր գործունեության դժվարվերելք ճանապարհին առաջնորդվեց մի անվեհեր գաղափարով՝ ազատագրել Հայաստանը բռնատիրություններից, աշխարհասփյուռ հայությանը ժողովել հայրենիքում և հոգևոր-մյութական բոլոր ուժերը կենտրոնացնելով՝ հայոց երկիրն այնպիսին դարձնել, որ հայությունն այլևս հայրենի երկրից չհեռանա: Այս գաղափարի արդիականությունը պահպանվում է նաև այսօր, և Խրիմյան Հայրիկի վստահալի ներկայության մշտնջենականությունը նաև իր իդեալների ու պատգամների կենսունակության մեջ է:

Թաթուկ ԱՎԱՆԵՍՅԱՆ
պատմաբան



Վարդգես Սուրենյանց. «Խրիմյան Հայրիկ»

Պատմական կտավում Վարդգես Սուրենյանցը Հայոց կաթողիկոսին պատկերել է բազմաձև փնտրելով, այն պահին, երբ նա ստացել է ցարական Ռուսաստանի՝ 1903 թվականի հունիսի 12-ի օրենքը Հայ Եկեղեցու գույքը բռնագրավելու մասին, ինչը նշանակում էր հայ թեմական դպրոցների փակում: Նամակ փակ ծրարում ընկած է Վեհափառի առջև՝ գորգածածկ հատակին, որի բովանդակությունն արդեն հայտնի էր նրան. այդ մասին հայտնել էր նամակաբերը՝ նույն այդ օրենքի նախաձեռնողներից մեկը՝ Երևանի նահանգապետ Նալաչիձեն: Դիպաշարային գեղապատկերում Կաթողիկոսի դեմքի անբավականությունը, բռնացք արած ձեռքերը, ինքնագոհ բազկաթոռին հենվելը ցույց են տալիս նրա արհամարհական վերաբերմունքը հրովարտակին: Սուրենյանցը կաթողիկոսին միայնակ է պատկերել սենյակում՝ առավել արտահայտիչ դարձնելով նրա կերպարը:

ՔՐԻՍՏՈՆՅԱ ՉԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»

թերթի խմբագրություն

Գլխավոր խմբագիր՝

Նարինե Հովհաննիսյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝

qristonyahayastan1@gmail.com

qristhay@etchmiadzin.am

web կայք՝

krishayas.wordpress.com

etchmiadzinlibrary.am/en/

kristonya-hayastan

Ստոր. տպագր. 28.02.2024 թ.

Տպաքանակը՝ 1265